

Conciones




Teol. 4895

Sorolovii Standstaii Componitis sic pro Dotc  
eulogistica et hanceditate Chorale ad Ora-  
dines Polonae Regni Concilio.

Præ in off. Lazar. 1582.


Biblioteka Jagiellońska.




V. b. 364.



XI, 40 70.






# COMPOSITIO

SIVE

PRO DOTE ECCLESIA-  
STICA ET HÆREDITATE  
CHRISTI AD ORDINES  
POLONIÆ REGNI,

STANISLAI SOGOLOVII

Concio.



CRACOVIÆ,

In Officina Lazari: Anno Domini,  
M. D. LXXXII.

IN STEMMA  
ILLVSTRISSIMI AC REVE-  
RENDISSIMI PRINCIPIS, ET DOMINI  
D. Stanislai Karnkovski, Dei gratia Archi-  
episcopi Gnesnensis, Legati Nati, ac  
Regni Polonię Primatis, & pri-  
mi Principis.



Cim. Gu. 4468



Ut sua, seq., agnus domino persoluit alenti,  
Conseruatori Praesul & iste Deo;  
Sic iustis oneret decimus altaria Diuum,  
Qui metuit dici quam fera deterior.

B. G. (obrukt)  
a2

*AD ILLVST'RISSIMVM  
ET REVERENDISSIMVM  
Stanislaum Karnkouium, Archiepi-  
scopum Gnesnensem, Primum  
Regni Principem*

**P R A E F A T I O.**



**E C O E L E S T I**  
Hierusalem vnica spon-  
sa Iesu Christi Ecclesia  
Dei, nuper ad Serenissi-  
mum Regem meum  
libros aliquot, necdum  
à nobis editos, conscri-  
psimus; quænam, inquam, & qualis illa sit,  
vbi inueniatur, quibus signis & indicijs à  
falsis & ementitis Ecclesiis distinguatur.  
Nunc de eius dote & hæreditate, quasi con-  
tinua serie, ad te amplissimum Archipræsu-  
lem aliquid hoc tali tempore conscriben-  
dum putauimus: id autem potissimum eo  
animo, quod non ignoramus, ut quondam  
de vestimentis IEsu CHristi in cruce pen-  
denter, ita nunc in his Comitijs de forte &

A ij posselli-

P R A E F A T I O.

possessione illius, infinitas contentiones, pugnas atque rixas futuras, sortemque super illam cum militibus illis, auaros & egentes homines missuros; qua sublata, religionem vniuersam, fidem christianam, cultum diuinū, decorem domus Domini, doctrinam, scholas, humanitatem, elegantiam deniq. omnem publicè atque priuatim auferri oportebit, ipsamque Ecclesiam Dei in hac republi. labefactari necesse erit: non enim altare sacerdotem, non cathedra doctorē, non chorus cantorem, non schola magistrum, non aula ipsa scribam, non respub. sua ornamenta habebit; nam & isti catelli de huius sponsæ micis in hac reipub. paupertate viuere atque educari solent: sed & isti ipsi sorte domini non amplius ditabuntur, ex obscurisque clari euident. Quod igitur præsentes viua voce, nisi aduersa valitudine impediti fuissimus, facere debebamus, id absentes iuxta Græcorum proverbiū *ναρὰς δεῖτε ποὺς πλωῦς* hoc est, remis, vbi velis non licet, nauigantes, quod Isocratem aliquando

PENTAFIO.

liquando fecisse legimus, scripto præstare  
voluimus. Vbi quę sint partes eius compo-  
sitionis, quę dos Ecclesiastica, quod illius  
ius & æquitas, Verbo Dei, recta ratione,  
omnis vetustatis ac sanctorum patrum te-  
stimonij, rudiorum causa clare & simpli-  
citer docemus. Ad te autem potissimum  
Reuerendissime Antistes, eam nostram com-  
mentationem mittimus: vel quòd primus  
eius ipsius pulcherrimę mulieris in regno  
hoc sponsus & tutor sis: vel quòd omne  
certamen, pro eius dote & hæreditate ad  
te primò & præcipuè pertineat; ut qui & in  
clero regni huius supremus sis Pontifex, &  
in republica Primus Princeps; vnaq. manu  
Ecclesiam Dei, altera rempub. ipsam tene-  
as, ac quasi in complexum vtraque addu-  
cas: vel quòd in tali tempore sub tuum ve-  
xillum omnes qualiacunq. arma & præsi-  
dia ferentes, se referre ac confugere oportet  
at: Ociosum autem ea tempestate Ecclesia-  
sticum hominem esse, nullo modo conue-  
niat. Hæc autem qualiacunq. sunt ad te fe-

A iiij

ro: non

PRÆFATI

ro: non vt aliquid splendoris nomini tuo  
addam, quod & sponte sua clarissimum  
est; & longè disertiores præcones habet, &  
quod seipsum cùm amplissimo magistratu,  
tùm præstantissimis rebus gestis, doctissi-  
misque scriptis ac cogitatis, abundè com-  
mendare potest; sed vt debito officio meo  
satisfaciam, ac pensum quodam modo per-  
soluam. Tu enim studiorum meorum ali-  
quando magnam partem adiuuisti: tu me  
vnà cum amplissimo Cancellario, magno-  
qué belli Duce ZAmoiscio, de manu tua  
Regi meo tradidisti: tu usque adhuc amas  
& quantum potes ornas. Verùm non me  
solum, sed & omnes alios, in quibus modò  
aliqua sit significatio virtutis atque indu-  
strie. Itaque omnes boni, omnes artium  
bonarum studiosi ad te currunt, te appelle-  
lant, apud te virtutis & industrie sue, tutis-  
simum portum & requiem constitutam es-  
se putant, te parentem, patronum, mœce-  
natem laudant. Verùm hæc ipsi illi melius  
prædicent. Nunc te ipsum Antistes Illustri-

sime

PRÆFATIO.

sime erige atque excita : ac quantum tibi certamen pro dote & hæreditate Ecclesiæ Iesu Christi tali tempore incumbat, diligenter circumspice. Nunc tuum tibi proprium campum apertum putes: nunc illud robur neruumque insuperabilem animi tui, industrie, doctrinæ, vigilante, studij, diligentie, perennis cuiusdam animi solicitudinis, quibus quondam omnia cedere solebant, quibus omnia superasti, intende. Nunc te virum demonstra, atque hac ratione semipiternum monumentum gloriæ, ac immortalitatis tue, ad omnem posteritatis memoriam erige. Ad quam rem rectè perficiendam, mittat tibi Dominus auxilium de sancto, & de Sion tueatur te : memor sit omnis sacrificij tui, & holocaustum tuum pingue fiat : tribuat tibi secundum cor tuum, & omne consilium tuum confirmet. Vale diu felix, & viue Ecclesiæ Dei & reipublice tuaeque immortaliti, sed & Socolouio.

Dat. Cracoviæ 18. Septembris. Anno Domini, 1582.

**REDDITE ERGO QVÆ SVNT  
CÆSARIS CÆSARI, ET QVÆ  
SVNT DEI DEO.**

*Matth: 22.*


# C O M P O S I T I O

S I V E

P R O D O T E E C C L E S I A S T I C A

& hæreditate Christi, ad Or-  
dines Regni

*Stanislai Socolouij Concio.*



O M P O S I T I O N I S  
diu multumq; à vobis iacta-  
tæ ac compellatæ causa, hoc  
autem est, pacis, quietis, et  
tranquillitatis, quæ per tot  
annos, errore ac malitia,  
inxplebilijs improborum ho-  
minum cupiditate perturba-  
ta fuit, cum Deo, Ecclesia, ordineq; ecclesiastico re-  
cupenandæ gratia, vos huicfrequentes vndiq; con-  
fluxisse audio, atq; etiam gratulor. Quod si verè &  
ex animo sine fuko & fallacijs fit; rem magnam &  
pulcherrimam aggredimini; ut, qua nulla neq; vti-  
litor, neq; iucundior, neq; magis aut Ecclesie Dei,  
aut ipsi reipublicæ necessaria esse potest. Ecce enim  
quām bonum & quām iucundum, habitare fratres  
in vnum. Sicut vnguentum in capite: quod de-  
scendit in barbam barbam Aaron. Quod descen-  
Psal: 132.

B

dit in

## COMPOSITIO.

dit in oram vestimenti eius; sicut ros Hermon, qui descendit in montem Sion. Quoniam illic mandauit Dominus benedictionem, & vitam usque in seculum. Si vero fiete & simulare id aggredimini, ut ore quidem benedicatis, corde autem maledicatis; ut pacem quidem loquamini cum proximo vestro, mala autem sint in cordibus vestris; ut molliti sint sermones vestri super oleum, ipsi autem sint iacula, quo<sup>d</sup> ordo Ecclesiasticus labefactetur, ac corruat, religio Christiana extinguatur, Deus ac Christus eius ex sorte hereditatis suae exturbetur, & de medio cestrum auferatur; tum quanto mitiori & splendidiori vocabula usurpati, tanto illustrius fallitis, vosq; primū ipso, deinde alios omnes decipitis: tantoq; & apud Deum & apud homines, maius impietatis et improbitatis iudicium referretis; ut filij desertores sitis: ut faciatis consilium, sed non ex Deo, & ordiamini telam, & non per spiritum eius: ut addatis peccatum super peccatum: quæ consilia nunquam prosperari poterunt. Verum cum id de vobis gente illa, quæ nunquam in corde & corde locuta est, suspicari non licet: apud quam mentiri crimen summum semper habitum est: apud quam simulatio scelus est: quæ sola simplicitate & veritate omnes quondam superibat gentes: cuius proprium decus & insigne, ac veluti peculiare emblema, veritas fuit semper; ideo omissis similitudinibus omi-

## COMPOSITIO.

3.

stris ominationibus, ad doctrinam nos referimus, ac in quo fundamentum et summa eius Compositionis cōstituta sit, propter rudiores, paucis & simpliciter doceamus. Est autem totius causæ summa & fundamētum, illud ipsum Christi Domini æterni & cœlestis magistri, cui omnis creatura, ratione prædita, meritò obtempore debet, decretum: REDDITE I GITTUR QVÆ SVNT CÆSARIS CÆSARI, ET QVÆ SVNT DEI DEO. Nam cū teste Platone, omnis dissensio, pugna, bellum, rixa, ex differentia illarum duarum vocum, Mei, inquam, atq; Tui nascatur; qui eorum discrimen sustulerit, ille facile pacem, tranquillitatem, & omnem quietem rebus restituet, omnemq; dissensionem componet: ac ad optatum finem res ducet. Et quæ sint quidem Cæsar, non ignoratis: Dei item omnia nostri sunt; quæ autem Antistitibus, sacerdotibusq; vestris, cum quibus pax est facienda debeat, paucis accipite.

**R**imùm igitur non ignoratis: Pontifices atque Sacerdotes Præpositos vestros esse. Obedite, inquit Paulus, præpositis vestris, & subiacete eis. Ipsi enim peruginant, quasi rationem pro animabus vestris reddituri; ut cū gaudio hoc faciant, & nō gementes. Hoc enim non expedit vobis.

*B ij**Jdem*

Hæbre: 13.

I. Cor: 4.

*Jdem sunt parētes spirituales vestri. Nam si, inquit Paulus, decem millia pædagogorum habeatis in Christo; sed non multos patres. Nam in Christo Iesu, per Euangeliū ego vos genui.*

Esaie 32.

*Reddite igitur illis obedientiam, subiectionem, fidem filiorum: reddite honorem & reuerentiam subjectorum: & erit opus iustitiae, pax, et cultus iustitiae, silentium, & securitas usq; in sempiternum. Cur ita? reddetur enim quæ Cæsar is sunt Cæsari, quæ Dei Deo.*

Hebreæ 5.

**E**inde, omnem Pontificem atque Sacerdotem ex hominibus electū, pro hominibus constitui, ut sit in his quæ sunt ad Deum, docet Paulus; ut offerat dona & sacrificia pro peccatis. Qui condole-re possit ijs, qui ignorant & errant: quoni-am & ipse circumdatus est infirmitate: & propterea debet, quemadmodum pro populo, ita etiam pro scmetipso offerre pro peccatis.

*Restituantur ergo Antistitibus & Sacerdotibus aræ, sacra vasa, saec. item vestes, templæ, quæ impictate & auaritia hominum occupata ac profanata,*

C O M P O S I T I O .

5.

nata, perfurtumq; & sacrilegium conflata et conuata sunt: & sic compositio cohæretur. Ita enim quæ sunt Cæsaris reddentur Cæsari, quæ sunt Dei Deo. Cum alia mitione non modo non Compositionem aliquam vobiscum facere, sed neq; sacerdotes aut pontifices vullo modo eſe poterunt; nisi forte tales quales in Comœdia aut Tragœdia fieri solent.

**D**EINDE Pontifices atque Sacerdotes Doctores sunt; ut doceant, eorum est officium. Euntes, inquit, in mundū Marci 16. vniuersum, prædicate Euangelium omni creature. Qui crediderit & baptisatus fuerit, saluus erit: qui verò non crediderit, cōdemnabitur. Euntes ergo docete om- Matth: 28. nes gentes, baptisantes eos in nomine Patris & Filij, & Spiritus sancti: docentes eos seruare omnia quæcunq; mandaui vobis. Et ecce ego vobiscum sum omnibus diebus, usque ad consumationem seculi.

Restituantur ergo illis suæ cathedræ, atq; pulpita, quæ nunc homines profugi, atq; extorres, cerdones, suatores item, carnifices ad extremum occuparunt: & sic restituentur Cæsari quæ sunt Cæsaris, quæ Dei Deo: pax erit, tranquillitas restitetur.

B iij

Amtlius

## COMPOSITIO.

**SAC** Mplius Pontificum & Sacerdotum  
**SAC** munus est, pascere populum: docet  
**SAC** hoc Petrus. Seniores ergo, qui in vo-  
 bis sunt, obsecro, consenior & testis Christi  
 passionum, qui & eius, que in futuro reue-  
 landa est, glorię communicator: pascite qui  
 in vobis est gregem Dei, prouidentes non  
 coacte, sed spontaneè secundum Deum: ne-  
 que turpis lucri gratia; sed voluntariè: neq.  
 vt dominantes in cleris; sed formę facti gre-  
 gi ex animo. Et cum apparuerit princeps pa-  
 storum, percipietis immarcescibilem glorię  
 coronam.

**Gene: 14.** Restituantur ergo nobis nostrae oves, quae nunc  
 vel sine pastoribus sunt, vel lupis pascendae commis-  
 sae & concreditae sunt: et, ut cum Rege illo dica-  
 mus, Date nobis animas, cætera tollite vobis: &  
 sic Compositio fiet. Tunc enim restituentur ea, quae  
 sunt Cæsaris Cæsari, quae Dei Deo.

**Deut: 17.** Dhæc Pontificum atque Sacerdotum  
 officium esse, iudicare inter lepram et  
 non lepram, inter sanum & ægrum,  
 docet scriptura. Si difficile & ambiguum a-  
 pud te iudicium esse prospexteris inter san-  
 guinem

## COMPOSITIO.

70

guinem & sanguinem, causam & causam,  
lepram & non lepram, & iudicum inter por-  
tas tuas videris verba variari; surge & ascen-  
de ad locum quem elegerit Dominus De-  
us tuus: veniesque ad Sacerdotes Leuitici  
generis, & ad iudicem qui fuerit illo tempore:  
quæresque ab eis, qui indicabunt tibi  
iudicij veritatem. Et facies quodcunq. di-  
xerint, qui præsunt loco, quem elegerit do-  
minus, & docuerint te iuxta legem eius, se-  
querisque sententiam eorum, nec declina-  
bis ad dexteram, neque ad sinistram.

*Restituatur igitur Antistitibus, Præsbyteris sua  
iurisditio, suum tribunal: qua leprosos à mundis, sa-  
nos ab ægris, peccantes ab innoxijs segregent & ex-  
communicent: & sic pax cohærebit. Tunc enim resti-  
tuentur ea, quæ sunt Cæsar is Cæsari, quæ Dei Deo.*



*Mplius Pontifices & Sacerdotes de  
sorte sunt Iesu Christi, indeq; Clerici  
vocantur, quasi sortis Iesu Christi  
homines: atq; ubi consecrantur atq; initian-  
tur, illa usurpant verba: Dominus pars hæ-  
reditatis meæ: ille restituet hæreditatem me-  
am mihi.*

*Resti-*

## COMPOSITIO.

Restituatur ergo illis sors & hereditas Domini : hoc autem est, bona Ecclesiastica, decimæ, quæ per auaritiam & cupiditatem iniquissimorum hominum hactenus retenta sunt : & ita Compositio pulchre cohærebit. Tunc enim restituentur quæ sunt Cæsaris Cæsari, quæ Dei Deo.

**Q**VI Decimarum sortisq; & hereditatis Domini articulus, cum latissime pateat, cumq; omnibus heresisibus, quantumvis inter se diuersis & pugnabiliis, oculosq; sibi confodientibus, sit communis: et cum in hoc ipso solo Catholici ipsi, heretici quodammodo sint, cum hereticisq; conueniant; ut Christum scilicet ex bonis suis excludant; ut Sacerdotū victimum afferant, et ne quid cuiquam reddant; commixti enim sunt inter gentes, & didicerunt opera corum: ideo quæ sit vis, quodius, quæ æquitas decimarum, paucis expendamus.

**P**rimùm igitur constat Decimas, neq; Imperatorum, neq; Regum, neq; cuiusquam mortaliū primū donū aut sanctum esse; sed ipsius Dei præpotentis, primi & summi rerum omnium Domini & possessoris, inuentum atque largitionem: qui eas seruis & ministris suis, cultus & seruitij sui causa,

## COMPOSITIO.

9.

causa, æternis addixit temporibus. Priuilegia verò decimarum, non in ipsis primo humanis legibus aut institutis contineri; sed in ipsis diuinæ legis omnibus partibus; Naturæ, inquam, lege primum, deinde veteri scripta, post in ipso Iesu Christi Euangelio. Primum Priuilegium in lege naturæ fuit, in primis filijs Adæ; Abele inquam & Caimo: quam rem in hunc modum narrat scriptura. Adam Genes. 4.  
 verò cognouit vxorem suam Heuam, quæ concepit & peperit Cain, dicens: Possedi hominem per Deum. Rursumque peperit fratrem eius Abel. Fuit autem Abel pastor ouium, & Cain agricola. Factum est autem post multos dies, ut offerret Cain de fructibus terre munera Domino, Abel quoque obtulit de primogenitis gregis sui, & de adipibus eorum: & respexit Dominus ad Abel, & ad munera eius. Ad Cain autem, & ad munera illius non respexit.

*Ubi cùm non plenè nec ex animo ea quæ debabantur Domino reddidisset Cain: sic enim dicit Scriptura: Nonné si benè egeris, recipies: sin autem malè, statim in foribus peccatum aderit?*

C

ideo

ideo reprobatus & rejectus est; ideo illud audit: maledictus eris super terram: cum operatus fueris super terram, non dabit fructus suos. *Hæcq; prima prævaricatio, prima j; pœna & punitio post originis peccatum in mundo exstitit. Quod ita esse vetustissimus docet Irenæus:* Ab initio enim respexit Deus ad munera Abel, quoniam cum simplicitate & iustitia offerebat; super sacrificium autem Cain non respexit, quoniam cum zelo & malitia, quæ erat aduersus fratrem, diuisionem habebat in corde: quemadmodum occulta eius arguens DEus ait: Nonné, si rectè offeras, rectè autem non diuidas, peccasti? quiesce: quoniam non sacrificio placatur Deus. Si enim quis solummodo secundū quod videtur, mundè & rectè & legitimè offerre tenuerit; secundum autem suam animam non rectè diuidat eam, quæ est ad proximum communionē; neque timorem habeat Dei, non per id quod rectè foris oblatum est sacrificium, seducit Deum, intus habens peccatum: nec oblatio talis proderit ei alicui; sed cessatio mali, quod est intus conceptum, ne per assimulatā operationem, magis autē peccatum ipsum sibi homicidam faciat hominem.



*Ecundūm Priuilegium in eadem naturæ lege, in primo Patriarcha nostro Abraham legimus, de quo scri-*  
*ptura.*

Irene: lib: 4.  
cap: 34.

## COMPOSITIO.

12.

10

*ptura. At verò Melchisedech rex Salem, pro-* Gene: 14. *ferens panem & vinum (erat enim sacerdos Dei altissimi) benedixit ei, & ait: Benedic-tus Abraam Deo excelso, qui creauit cœ-lum & terram: & benedictus Deus excel-sus, quo protegente hostes in manibüs tuis sunt. Et dedit ei decimas ex omnibus.*

**T**ertium Priuilegium in eadem lege fuit in Jacob Patriarcha. Vouit e-tiam votum, inquit Scriptura, dic-Gene: 28. cens: Si fuerit Dominus mecum, & custo-dierit me in via per quam ego ambulo, & dederit mihi panem ad vescendum, & vesti-mentum ad induendum, reuersusque fuero prosperè ad domum patris mei; erit mihi Dominus in Deum: & lapis iste quem ere-xi in titulum, vocabitur domus Dei: cunctorumque quæ dederis mihi, decimas of-feram tibi.

*Quæ eadem monumenta & priuilegia, longè cla-rius & prolixius in veteri lege explicantur.*

## PRIMVM DE REDDENDIS DECL-

*mis leges scriptæ Priuilegium,*

C ij

Dijs non

Exodi 22.



Lis non detrahes, & principi populi tui non maledices. Decimas tuas & primitias tuas non tardabis reddere, primogenitum filiorum tuorum dabis mihi. De bobus quoque & ouibus similiter facies.

SECUNDVM PRIVILEGIUM  
DE EODEM.

Numeri 18.



N terra eorum nihil possidebitis, nec habebitis partem inter eos: ego pars & hæreditas tua in medio filiorum Isræl. Filijs autem Leui, dedi omnes decimas Isrælis in possessionem pro ministerio, quo seruiunt mihi in tabernaculo fœderis: ut non accedant ultra filii Isræl ad tabernaculum, nec committant peccatum mortiferum, solis filiis Leui mihi in tabernaculo seruientibus, & portantibus peccata populi, legitimum sempiternum erit in generationibus vestris. Nihil aliud possidebunt, decimarum oblatione contenti, quas in usus eorum & necessaria separauit. Locutusque est Dominus ad Moysen, dicens:

Præcipe

## C O M P O S I T I O.

13.

Præcipe Leuitis, atque denuntia: Cùm acceperitis à filijs Istràél decimas quas dedi vobis, primitias earum offerte Domino, id est, decimam partem decimæ, vt reputetur vobis in oblationem primitiorum, tám de areis, quám de torcularibus: & vniuersis quorum accipitis primitias, offerte Domino, & date ea Aaron sacerdoti. Omnia que offeritis ex decimis, & in donaria Domini separabitis, optima & electa erunt cuncta. Dicesque ad eos: Si præclara & meliora quæq. obtuleritis ex decimis, reputabitur vobis, quasi de area & torculari dederitis primitias, & comedetis eas in omnibus locis vestris, tám vos, quám familię vestrę; quia pretium est pro ministerio, quo seruitis in tabernaculo testimonij. Et non peccabitis super hoc, egregia vobis & pinguia reseruantes: ne polluatis oblationes filiorum Istràél, & moriamini.

T E R T I U M P R I V I L E G I U M  
D E E O D E M.

Blatio iusti impinguat altare, & o-  
dor suavitatis est in conspectu al-  
G. iij tissimi.

Eccles:35.

tissimi. Sacrificium iusti acceptum est, & memoriam eius nō obliuiscetur Dominus. Bono animo gloriam redde Deo: & non minuas primitias manuum tuarum. In omni dato hilarem fac vultum tuum, & in exultatione sanctifica decimas tuas. Da altissimo secundum datum eius, & in bono oculo adinventionem facito manuum tuarum; quoniam Dominus retribuens est, & septies tantum reddet tibi.

QVARTVM PRIVILEGIUM DECIMARUM EX HOSTILI PRÆDA.

*Numeri 31.*



Ollite summam eorum quæ capti sunt, ab homine usque ad pecus, tu & Eleazar sacerdos & principes vulgi; diuidesque ex æquo prædam inter eos, qui pugnauerunt, egressisque sunt ad bellum, & inter omnem reliquam multitudinem; & separabis partem Domino ab his qui pugnauerunt & fuerunt in bello, unam animam de quingentis, tam ex hominibus quam ex boibus, & asinis, & ouibus, & dabis eam Eleazaro sacerdoti, quia primitiæ Domini

## COMPOSITIO.

15

mini sunt. Ex media quoque parte filiorum Isræl accipies quinquagesimum caput hominum, & boum, & asinorum, & ouium, cunctorumq. animantium, & dabis ea Leuitis, qui excubant in custodijs tabernaculi Domini. Tradiditque Moyses numerum primitiarum Domini Eleazaro sacerdoti, sicut fuerat ei imperatum, ex media parte filiorum Isræl, quam separauerat his, qui in pœlio fuerant. De media verò parte, quæ contigerat reliquæ multitudini, id est, de ouibus trecentis triginta septem millibus quingentis, & de boibus triginta sex millibus, & de asinis triginta millibus quingen-  
tis, & de hominibus sedecim millibus, tulit Moyses quinquagesimum caput, & dedit Leuitis qui excubabant in tabernaculo domini, sicut præceperat Dominus.

QVINTVM PRIVILEGIVM DE MODO  
REDDENDARVM DECIMARVM.

ON facietis ita Domino Deo ve. *Deuter: 12.*  
stro; sed ad locum quem elegerit  
Dominus Deus vester de cunctis  
tribubus

tribubus vestris, ut ponat nomen suum ibi,  
& habitet in eo, venietis : & offeretis in lo-  
co illo holocausta & victimas vestras, de-  
cimas & primitias manuum vestrarum , &  
vota atque donaria, primogenita boum &  
ouium. Et comedetis ibi in conspectu Do-  
mini Dei vestri : ac latabimini in cunctis  
ad quæ miseritis manum, vos & domus ve-  
stræ, in quibus benedixerit vobis Dominus  
Deus vester. Non facietis ibi quæ nos hic  
facimus hodie, singuli quod sibi rectum vi-  
detur. Neque enim usque in praesens tem-  
pus venistis ad requiem & possessionem,  
quam Dominus Deus vester daturus est vo-  
bis. Transibitis Iordanem & habitabitis in  
terra, quam Dominus Deus vester daturus  
est vobis, ut requiescatis à cunctis hostibus  
per circuitum: & absque ullo timore habi-  
tatis in loco, quem elegerit Dominus Deus  
vester, ut sit nomen eius in eo. Illuc omnia,  
quæ præcipio, conferetis holocausta, & ho-  
stias, ac decimas, & primitias manuum ve-  
strarum: & quicquid præcipuum est in mu-  
neribus

## COMPOSITIO.

17.

ibī, lo-  
de-, &  
m & Do-  
ctis ve-  
nus hīc  
n vi-  
em-  
em,  
vo-  
s in  
rūs  
bus  
ibi-  
eus  
nia,  
ho-  
ve-  
nu-  
bus

neribus quę vouistis Domino. Ibi epulabi-  
mini coram Domino Deo vestro, vos & fi-  
lij ac filię vestrę, famuli & famulę atq. Le-  
uites, qui in vrbibus vestris commorantur,  
neque enim habet aliam partem & posse-  
sionem inter vos.

SEXTVM PRIVILEGIUM  
DE EODEM.

**D**ecimam partem separabis de cun- Deuter: 14.  
ctis fructibus tuis, quę nascuntur  
in terra per annos singulos, & co-  
medes in conspectu Domini Dei tui, in loco  
quem elegerit, vt in eo nomē illius inuoce-  
tur, decimam frumenti tui, & vini, & olei,  
& primogenita de armcntis & ouibus tuis:  
vt discas timere dominum Deum tuum om-  
ni tempore. Cūm autem longior fuerit via,  
& locus, quem elegerit Dominus Deus tu-  
us, tibiique benedixerit, nec potueris ad e-  
um hæc cuncta portare, vendes omnia, &  
in pretium rediges, portabisque manu tua,  
& proficiscēris ad locum quem elegerit do-  
minus Deus tuus: & emes ex eadem pecu-  
nia quic-

D

nia quic-

nia quicquid tibi placuerit, siue ex armenis,  
siue ex ouibus, vinum quoq. & siceram  
& omne quod desiderat anima tua: & co-  
medes coram Domino Deo tuo, & epula-  
beris tu & domus tua, & Leuita qui intra-  
portas tuas est, caue né derelinquas eum,  
quia non habet aliam partem in possessio-  
ne tua. Anno tertio separabis aliam deci-  
mam ex omnibus quę nascuntur tibi eo tē-  
pore; & repones intra ianuas tuas. Venietq.  
Leuites qui aliam non habet partem nec  
possessionem tecum, & peregrinus ac pupil-  
lus & vidua, qui intra portas tuas sunt, &  
comedent, & saturabuntur: & benedicat ti-  
bi Dominus Deus tuus, in cunctis operibus  
manuum tuarum quę feceris.

## SEPTIMVM DE EODEM.

Deut: 26.



Odie dominus Deus tuus præcepit  
tibi vt facias mandata hæc atque  
iudicia; vt custodias & impleas ex  
toto corde tuo, & ex tota anima tua. Do-  
minum elegisti hodie, vt sit tibi Deus, & am-  
bules in vijs eius, vt custodias ceremonias  
illius,

## COMPOSITIO.

19.

illius, & mandata atque iudicia, & obedias eius imperio. En dominus elegit te hodie, ut sis ei populus peculiaris, sicut locutus est tibi, & custodias omnia præcepta illius.

OCTAVVM PRIVILEGIUM DE RE  
DEMPTIONE DECIMARVM.

**M**ne quod domino consecratur, siue *Leuit. 27.* homo fuerit, siue animal, siue ager, non veniet, nec redimi poterit. Quicquid semel fuerit consecratum, sanctum sanctorum erit domino. Et omnis consecratio que offertur ab homine, non redimetur, sed morte morietur. Omnes decime terre, siue de frugibus, siue de pomis arborum, Domini sunt, & illi sanctificantur. Si quis autem voluerit redimere decimas suas, addet quintam partem earum. Omnium decimarum bouis & ovis & capre, que sub pastoris virga transeunt, quicquid decimum venerit, sanctificabitur Domino. Non eligeretur nec bonum nec malum, nec altero commutabitur, si quis mutauerit: & quod mutatum est, & pro quo mutatum est, sanctificabitur

D ij

Domini

Domino, & non redimetur. Hæc sunt præcepta, quæ mandauit dominus Moysi ad filios Isræél in monte Sinai.

*QVÆ* quidem Priuilegia, quæ melius intelligantur, adnotat Diuus Hieronymus, quatuor Decimorum genera fuisse. Primum, quæ Leuitis ex precepto legis dabantur. Secundum, hoc est, secunde decimæ appellatae, quas Leuitæ, id est, inferior ministrorum gradus, sacerdotibus dabant. Tertium, quas sponte sua quilibet in horreis suis separabat, ut comederet eas in vestibulo templi, cum Hierusalem iret, & Sacerdotes ac Leuitas inuitaret ad coniuicia. Quartum, quas ut pauperibus darent separabant, quæ decimæ pauperumocabantur. Verum naturæ & veteris legis priuilegia hactenus. Quantò autem plura fuerunt Priuilegia decimorum, sortisq; Domini, in naturæ veteri q; lege; tantò nihil oportuit hæc multis in Euangelica lege repetere: cum quemadmodum Tétrigono trigonum; ita lege Euangelica, lex naturæ atque Moysis, exceptis umbris, figuris, & iudicij, continetur.

*Psal. 61. et 88.* Semel enim loquitur Deus, & non repetit, inquit Scriptura. In his præsentim, quæ eandem causam, eundem usum, eandem necessitatem, eundem deniq; finem habet.

Ad eadem igitur Priuilegia se refert lex Euangelijs,

dum Saluator

## COMPOSITIO.

27.

dum Saluator monet: Nisi abundauerit iustitia ve- Matth: 4.  
 stra, plusquam scribarum & Phariseorum, non in-  
 trabitis in regnum cœlorū. Quæ iustitia Phariseo  
 rum, quæ abundantior esse debuit, nisi illa: Deci-  
 mas do omnium bonorum meorum? &c. Dum  
 quæ sunt Cæsaris Cæsari, quæ Dei Deo reddenda  
 dignumq. esse operarum mercede sua docet: dum  
 Paulus monet: Quis militat suis stipendijs vnquā?  
 Qui plantat vineam, & de fructu eius non edit?  
 Quis pascit gregem, & de lacte gregis non man-  
 ducat? Nunquid secundum hominem hæc dico?  
 An & lex hæc non dicit? Scriptum est enim in le-  
 ge Moysi: Non alligabis os boui trituranti. Nun-  
 quid de bobus cura est Deo? An propter nos uti-  
 que hoc dicit? Nam propter nos scripta sunt. Quo-  
 niam debet in spe, qui arat, arare: & qui triturat,  
 in spe fructus percipiendi. Si nos vobis spiritualia  
 seminamus: magnum est, si nos carnalia vestra me-  
 tamus?

Pertinent quoq. ad Priuilegia Euangelica, Ca-  
 nones atq. constitutiones Apostolicæ: sanctissimorum  
 item Imperatorum leges atque sanctiones.

## CANON 4



Fferri non liceat aliquid ad altare, Ex Canonibus  
 præter nouas spicas, & vuas, & ole- Apostolicis  
 Cap: 4.  
 Dij um ad

um ad luminaria, & thymiamam, id est, incensum, tempore quo sancta celebratur oblatio.

## CANON 5.

Cap: 5.

**R**Eliqua poma omnia ad domum primitiæ Episcopo & presbyteris dirigantur, non offerantur in altari. Certum est autem, quod Episcopus & presbyteri diuidant & diaconis, & reliquis clericis.

## CONSTITUTIO APOSTOLICA.

Ex lib: 2. Constit: 8. Apostolor: Ca: 38.

**P**Deo Episcopum diligere debetis, ut patrem: timere, ut regem: honorare, ut dominum. Fructus vestros & opera manuum vestiarum in vestram benedictionem illi offerentes: primitias vestras, decimas, partes, dona vestra dantes ei ut sacerdoti Dei: primitias, inquam, frumenti, vini, olei, pomorum, atque omnium, quæ Deus præbet vobis. Et erit oblatio tua accepta in odorem suavitatis Domino Deo tuo, & benedicet dominus operibus manuum tuarum, & multiplicabit dominus minus.

## COMPOSITIO.

23.

minus bona terre tuę, quoniam benedictio  
in caput tribuentis reuertitur.

## ALIA CONSTITUTIO.

**I**n telligendum est autem quod quancap: 39.  
quam Dominus liberauit vos a ser-  
uitute adiectorum vinculorum, &  
eduxit vos in refrigerium, non amplius si-  
nens vos sacrificare bruta animalia pro pec-  
catis, solutos illis expiationibus, emissarijs, Leuit: 16.  
assiduis lotionibus, & aspersionibus: non  
tamen oblationibus vos liberauit, quas sa-  
cerdotibus debetis, & beneficētijs erga eos,  
qui egent; ait enim Dominus noster in E-  
uangelio: Nisi abundauerit vestra iustitia, Matth: 5.  
plusquam Scribarum & Pharisæorum, non  
intrabitis in regnum cœlorum. Ita ergo a-  
bundabit iustitia vestra, si de sacerdotibus,  
orphanis, viduis, maiorem curam suscipie-  
tis, ut scriptum est. Dispersit dedit pauperi- Psal: 3.  
bus, iustitia eius manet in seculum seculi.  
Et rursum. Per cleemosynam & fidem de- Prover: 15.  
lentur peccata. Et rursum. Anima benedi- Prover: 11.  
cta omnis simplex. Ergo ita facies quem-  
admodum

## COMPOSITIO.

admodum Dominus præcepit; & dabis sacerdoti iusta sua, priunitias de area & torculari pro peccatis tanquam mediatori, atq. internuncio posito inter Deum & eos, qui expiationibus & deprecationibus opus habent. Te enim dare oportet, illum distribuere tanquam œconomum, & dispensatorem rerum Ecclesiasticarum. Neq. enim ab Episcopo tuo rationem petere debes, neque eius dispensationem obseruabis, quo modo eam peragat, quando, cum quibus, vbi, benè, vel malè, vel conuenienter. Habet enim iudicem Deum, qui in eius manus hanc dispensationem commisit, & dignum eum effecit sacerdotio tanti loci.

## ALIA CONSTITUTIO.

Clemens Ro-  
ma: li 7. Cons:  
Cap 30.



Abis Sacerdotibus omnes primitias torcularis, & areę, vindemię, & mesis, boum atque ouium: vt apothecę cellarum tuarum penuariarum, & fructus agri tui benedictione afficiantur: vt firmeris in frumento, & vino atque oleo, augeanturque armenta boum tuorum, & tuarum

tuarum ouium greges: Dabis omnem decimam pupillo, & viduę, pauperi, & proſelyto: Dabis etiam Sacerdotibus omnes primitias panum recentium, vini ex dolio, olei, mellis, pomorum ſive baccarum, vuę, aut aliorum fructuum: primitias verò argenti, aut indumenti, cæterarumque rerum, quas poſſides, tribues pupillo & viduę.

## PRIMA LEX ET CONSTITVTIO

*Imperatorum, Valentis & Marci, de  
dote Ecclesiastica.*

**R**iulegia, quę generalibus Constitutionis vniuersis sacrosanctis Ecclesiis orthodoxę religionis retro principes præstiterunt, firma & illibata, & in perpetuum valitura decernimus custodiri. Omnes sancte pragmaticas sanctiones, quę contra Canones Ecclesiasticos interuentu gratię vel ambitionis elicitę sunt, robore ſuo & firmitate vacuatas, ceſſare præcipimus. Et quia humanitatis noſtre eſt egenis proſpicere, ac dare operam, ut pauperibus alimenta non defint. Salaria enim quę sacrosan-

cod. de sacro-  
san. Eccl. I.  
Privilégia.

crofancis Ecclesiis, in diuersis speciebus, de  
publico haetenus ministrata sunt, iubemus  
nunc quoq. inconcussa, & à nullo prorsus  
imminuta præstari, liberalitatique huic, prō  
ptissimè perpetuam tribuimus firmitatem.

ALIA CONSTITUTIO LEONIS  
& Antonij Imperatorum de eodem.

*Ibidem I. Iu-  
bemus.*

**I**UDEM I. Iubemus nulli posthac Archiepisco-  
po in hac vrbe regia sacrosanctę Ec-  
clesię præsidenti: nulli Oeconomo, cui res  
Ecclesiastica gubernanda mandatur, esse fa-  
cultatem fundos, vel prædia urbana, siue ru-  
stica, res postremò immobiles, aut in his  
prædijs colonos, vel mancipia cōstituta, aut  
annonas ciuiles cuiuscunque, suprema vel  
superstiti voluntate, ad religiosas Ecclesiias  
deuoluta, sub cuiuscunq. alienationis spe-  
cie, ad quamcunque transferre personam:  
sed ea etiam prædia diuidere quidē, cole-  
re, augere, & ampliare, nec vlli ijsdem præ-  
dijs audere cedere. Verūm siue testamento  
quocunque facto iure, seu codicillo, vel so-  
la nuncupatione legato, seu fidei commisso,  
aut mor-

aut mortis causa donatione, aut aliquo quocunque ultimo arbitrio; aut certe inter viuentes habita largitate, siue cōtractu venditionis, siue donationis, aut alio quocunque titulo quisq. ad præfatam venerabilem Ecclesiam, patrimonium suum, partemue certam patrimonij, in fundis, prædijs, siue domibus vel annonis, mancipijs & colonis, eorumque peculijs voluerit pertinere; inconcussa ea omnia, sine vlla penitus immutatione conseruent. Scientes nulla sibi occasione, vel tempore ad vicissitudinem beneficij colorati, aut gratię referendę donandi, vel certe hominibus volentibus emere, alienandi aliquam facultatem permissem, nec, si omnes, cū religioso Episcopo & Oeconomo, Clerici, in earum possessionum alienatione consentiant. Ea enim, quę ad beatissimę Ecclesię iura pertinent, vel posthac fortè peruererint, tanquam ipsam sacrosanctam Ecclesiam & religiosam, intacta, convenit inuiolabiliter custodiri: vt sicut ipsa religionis & fidei mater perpetua est, ita

E ij

eius

cius patrimoniū iugiter seruetur illæsum.

**ALIA CONSTITVTIO IMPERA-**  
**toris Iustiniani, de vasis & supellecili**  
**Ecclesiastica.**

*Ibidem l. San  
cimus.*

**S**AECIMUS nemini licere sacratissima  
 atque arcana vasa, vel vestem, cæte-  
 raque donaria, quæ ad diuinam re-  
 ligionem necessaria sunt (cùm & veteres le-  
 ges, ea, quæ iuris diuini sunt, humanis nexi-  
 bus non alligari sanxerunt) vel ad venditi-  
 onem, vel hypothecam, vel pignus trahere;  
 sed ab his, qui hæc suscipere ausi fuerint,  
 modis omnibus vendicari; tam per religio-  
 siſſimos Episcopos, quam Occonomos, nec  
 non & Sanctorum vasorum custodes, nulla  
 eis aetione relinquenda, super recipiendo  
 precio, vel fœnore exigendo, pro quo res pi-  
 gnorate sunt: sed omnibus huiusmodi acti-  
 onibus respuendis, ad restitutionem eorum,  
 omnibus modis coarctari. Sin autem vel co-  
 flata sint vel fuerint, vel alio modo immu-  
 tata vel dispersa; nihilominus vel ad ipsa  
 corpora, vel ad ipsa precia eorum actione  
 compe-

competere, siue per in rem, siue per conditionem, siue per in factum actionem.

*Quis igitur haec auferre aut violare volet? quæ ipse fundauit altissimus, primusq; rerum omnium possessor atq; Dominus: quæ sempiterminus eius confirmavit haeres Christus Dominus: quæ sancti Apostoli fieri præceperunt: quæ piissimi Imperatores suis legibus & constitutionibus sanxerunt: quæ tantis priuilegiis communia, tot sanctionibus firmata sunt. Quis haec priuilegia abrogare, quis has leges antiquare, quis per aliquam compositionem talia pacta auferre poterit?*

**R**it igitur illud secundum Decimorum ius atque æquitas. Deum immortalem, ea lege & conditione hominem in hanc lucem produxisse; ut sit ad laudem & nomen eius; utq; se, omniaq; sua, ad eum tanquam primum principium, & ultimum finem suum referat; ut omnia ex manu eius poscat; ut prouidentiam eius & agnoscat, & ubiq; confiteatur, neque id verbis tantum, sed re ipsa potius; utq; partem omnium bonorum suorum, in recognitionem primi principij & finis sui, illi adjiciat, & consecret. Animæ, inquam, suæ: Diliges, inquit, Dominum Deum tuum, ex toto Matth: 22. corde tuo, ex tota anima tua, & proximum tuum sicut teipsum. Corporis sui: Benedic anima mea do- Psal: 102.

E iii mino,

mino, & omnia quæ intra me sunt, nomini sancto

**Prouer: 3.** eius. *Fortunarum & honorum suorum:* Honora

Dominum Deum tuum de substantia tua. *Pulchre*

**Deute: 26.** hæc omnia quæ diximus explicat Scripturam. Faciet

te Dominus excelsiorem cunctis gentibus, quas

creauit in laudem & nomen & gloriam suam: ut

sis populus sanctus Domini Dei tui, sicut locutus

est. Honora igitur Dominum Deum tuum, de tuis

iustis laboribus: deliba ei de fructibus iustitiae tuæ;

ut repleantur horrea tua frumento: vino quoque

torcularia tua redundabunt. *Qui igitur non hono-*

*rat Deum ex substantia sua, qui decimam partem*

*honorum suorum illi non consecrat; hic eum primum*

*principium & finem suum agnoscere non vult; hic*

*ab eo se omnia sua habere non recognoscit; hic illius*

*mandato, germinare terram herbam virentem, sibi q;*

*fructus proferre, non profitetur; hic prouidentia Dei*

*sensum non habet; hic cum diuino Psalte non canit;*

**Psal: 144.** Oculi omnium in te sperant Domine, & tu das

escam illorum in tempore opportuno. Aperis

tu manum tuam, & imples omne animal benedicti-

**Psal: 103.** one. Dante te illis colligent, aperiente te manum

tuam, omnia implebuntur bonitate. Auertente au-

tem te faciem, turbabuntur: auferes spiritum eo-

rum & deficient, & in puluerem suum reuertentur.

*hic Gygas, & unus de genere Aloidalorum est, idq;*

*non ver-*

## COMPOSITIO.

31.

non verbis, sed re ipsa probat ac testificatur. *Liber-*  
*tas, inquis, ista Christiana, est libertas gentis liberae.*  
*Mibi vero libertas haec non placet, quæ illud di-*  
*cit: Ponam in Aquilone sedem meam, & similis* *Isiae 14.*  
*ero altissimo. Cur ita? Statim enim sequitur, quo-*  
*modo cecidit de coelo Lucifer, qui manè exorie-*  
*batur! Nam si ideò, ut præclarè quidam dixit, le-*  
*gibus seruimus, ut liberi simus; quanto magis nos*  
*Deo seruire oportebat, & quod debemus, illi reddere,*  
*nè hominibus, quibus non debemus, seruiamus. Qui*  
*autem haec omnia, quæ dicta sunt, non modo ipse non*  
*confitetur, sed qui ultra ab his, quos illi Deus subie-*  
*cit, parere q; iussit, eam partem, quam Deo conferre*  
*decebant, extorquet, sibiq; per vim & iniuriam con-*  
*ferrere iubet; hic nefario scelere Dei honorem in se*  
*transfert, Deum se facit, sacrificium sibi offerri iubet:*  
*quod neminem unquam etiam fœdissimum tyrannum*  
*sibi fieri passum esse, docet D. Augustinus. Quid si*  
*amplius ex his donarijs quæ Deo debebantur, ad se*  
*per vim & iniuriam translatis, Deum atq; templum*  
*eius, tributa sibi reipublicaq; soluere iubet: an po-*  
*test esse crudelitas tanta, quæ cum hac crudelitate, &*  
*insolentia rectè comparari possit?*



*Ertium illud ius Decimarum est; Deum*  
*patrem, filium suum, pro eo, quod posuit a-*  
*nimat suam, & factus est obediens usq;*  
ad mor-

Psal: 2.

Apo: 21.

Gen: 2.

ad mortem, nec habuit ubi caput, dum hic versabatur, reclinaret suum, constituisse regem excelsorem cunctis regibus terrae: constituisse eum heredem universorum, per quem fecit et secula. Confitetur hoc ipse apud Davidem magnifice: Ego autem constitutus sum rex ab eo, super Sion montem sanctum eius: praedicans preceptum eius. Dominus dixit ad me, filius meus es tu, ego hodie genui te. Postula a me, & dabo tibi gentes hereditatem tuam, & possessionem tuam terminos terre. Reges eos in virga ferrea, & tanquam vas figuli confringes eos. Et ideo hunc regem et heredem suum, in omni gente et natione, partem suam, possessionem suam, Regiam suam, tabernaculum item suum habere voluit. Iuxta illud: Ecce tabernaculum Dei cum hominibus, & habitabit cum eis. Ut cognoscatur hic Christus, unicus esse filius Dei, verus & eternus heres universorum: ut cognoscatur excelsior cunctis regibus terrae: ut in nomine eius omne genu flectatur, caelestium, terrestrium, & infernorum: ut sit caput super omnem Ecclesiam. Semper autem eam quam Christo suo donauit partem, Deus ipse inter homines habere voluit; nam et in paradyso arborem unam in partem suam segregauit: Ex omni, inquit, ligno paradysi comedere, de ligno autem scientie boni & mali ne comedas: in qua enim die comederas,

ex co

## COMPOSITIO.

332

ex eo morte morieris. Et in lege naturæ primogenita omnia cunctorum viuentium sibi consecuit: et, ex omnibus gentibus unum populum, de quo dixit: In Iacob habitabo, hæc hæreditas mea, usque in seculum, &c.

In populo autem illo universo, unam tribum, omniaq; illa, quæ superiùs diximus. Quam sortem eius qui tangit, qui violat, qui occupat & inuidit; bunc pupillam oculi sui tangere ipse profitetur. Solusne igitur populus christianus adeò infelix & infaustus, ita à Deo Christoq; eius spretus erit, ut nullam partem suam in illo habere velit? aut adeò impius à nomineq; auersus, ut Deum inter se nullam partem habere patiatur? nequaquam id verisimile est.

Multis autem ex causis eam sortem atq; partem suam inter mortales habere voluit Dominus. Primum, ut genus humanum hoc pacto tanquam colonos suos, inter quos partem habere velit, et cum quibus habitare non erubescat quodam modo honoret: Delicię meę, inquit, elsecum filijs hominum. Deinde, ut omnes eum regem & dominum universorum, cuius aulam ac Regiam apud se conspicunt, laudent & confiteantur. Per munus enim, inquit Irenaeus, Irenaeus. erga regem, & honos & affectio ostenditur; quod in omni simplicitate & innocentia Dominus, volens nos offerre, prædicauit dicens: Cùm igitur

F

offers

*Augu. Serm.* offers munus tuum ad altare. &c. Non eget, inquit Augustinus, Dominus Deus, non præmium postulat; sed honorem. *219.*

Demum, ut sit unde ministri & serui eius viuant; amici item & cognati, pauperes, inquam, orphani, viduae, peregrini, quos mundus plerumq; odit, ac fame & penuria, nisi ille sua benigna cura & liberalitate illis prouideat, consumere ac confidere vellet, quod nunc fieri clare

*Deuter: 12.* videmus: unde diligenter monet: Caue derelinquas Leuitem in omni tempore, quo versaris in terra, quando dilatauerit Dominus Deus terminos tuos. &c.

*Matth: 10.* Et, Qui vos accipit, me accipit: & quod vni ex meis minimis fecistis, mihi fecistis. Et qui accipit prophetam in nomine prophetæ, mercede in accipiet prophetæ; hoc est, in partem remuneratio-  
nis & mercedis prophetæ veniet. *Vnde D. Augu-*

*219.* *stinus:* Decime, fratres charissimi, sunt tributa e- gentium animarum. Redde ergo tributa pauperibus, offer libamina sacerdotibus. Deniq; ut inde cultus eius, ceremonia, sacra doctrina, melius ac de- centius, illustrius item, magnificientiusq; admini- strentur; magni enim regis magna et illustrem famili- am, magnificum & illustrem cultu esse oportet. Que- ritur enim ipse apud Prophetam Dominus, hominem se non inuenire, qui gratis aperire vel occludere tem- plum suum vellet. Hanc igitur partem fortis Do- mini, qui

*Mala: 1.*

## COMPOSITIO.

35.

mini, qui non restituit, banc Regiam eius qui inuidat, banc hæreditatem qui sibi usurpat; perduellio est, summam maiestatem lædit, æterni Dei patris hæredem exautorat, ac ex sua turbat possessione, Christum regem suum cum impijs non agnoscit. Dirumpamus vincula eorum, & projiciamus à nobis iugum ipsorum. At qui habitat in coelis, irridebit eum, & Dominus subsannabit ei. *Hic Deum nullam partem habere in rebus humanis vult: hic seipsum Christum facit: hic antichristus est.* Parumne diximus? an aliquid amplius ad extremam impietatem addendum est? hocne est christianum esse? hocne Evangelici nomen sibi usurpare? hocne est lumen veritatis frustra insolenter iactare?

Psal: 2.

 *V*artum igitur erit caput æquitatis hæreditatis Domini. Qui templi & Ecclesiæ formam aufert; hic dote sua Ecclesiam Dei, unicum IESU Christi sponsam spoliat: de qua dote ita magnifice apud David illa prædicat: Dominus, inquit, pars hæreditatis mee, & calicis mei: tu es, qui restitues hæreditatem meam mihi. Funes ceciderunt mihi in præclaris; etenim hæreditas mea præclara est mihi. *E*t quam ipse sponsus apud Isaiam munifice illi pollicetur: Pro eo quod fuisti derelicta *Isiae 60.* & odio habita, & non erat qui per te transiret; ponam te in superbiam seculorum, gaudium in ge-

Psal: 13.

F n

nerati-

nerationem & generationem. Et fuges lac gentium , & mamilla regum lactaberis : & scies quia ego Dominus saluans te , & redemptor tuus fortis Jacob. Pro ære afferam aurum, & pro ferro afferam argentum: & pro lignis æs , & pro lapidibus ferrum , & ponam visitationem tuam pacem , & præpositos tuos iustitiam. *Et alio loco.* Vos autem Sacerdotes Domini vocabimini : Ministri Dei nostri , dicetur vobis : fortitudinem gentium comedetis , & in gloria earum superbietis. Pro confusione vestra duplici & rubore laudabunt partē eorum, propter hoc in terra sua duplicitia possidebunt, lætitia sempiterna erit eis. Quia ego Dominus diligens iudicium , & odio habens rapinam in holocausto. *Et.* Amen dico vobis , quod vos qui secuti estis me , in regeneratione , cùm federit filius hominis in sede maiestatis suę , sedebitis & vos super sedes duodecim , iudicantes duodecim tribus Isræl. Et omnis qui reliquerit domum , vel fratres , aut sorores , aut patrem aut matrem , aut vxorem , aut filios , aut agros propter nomen meum : centuplum accipiet in hoc mundo , & vitam æternam possidebit. *Quod promissum , cùm in primis Ecclesiæ Dei fundatoribus , qui nihil in hac vita federunt , qui nudi nudam Christi crucē sequuti sunt , completum non sit ; in eorum successoribus compleatur oportet;*

*Isaie 61.*

*Matth: 19.*

## COMPOSITIO.

37.

oportet; ut promissorum certa & fixa fides maneat.

**M**agnum et illud est decimarum dotis q; Ecclesiastice, non tam ius aut æquitas, sed ipsa plane necessitas: quod bis sublatis, vniuersum cultum diuinum, omnem religionem, omnem dominus Domini decorum, totum ministerium verbi, ipsam deniq; fidem christianam auferri & extingui oportebit. **F**ia qui eam sortem hæreditatis Domini auferat, aut non restituit; vniuersa hæc quantum in illo situm est, labefactat, ac demum populum Dei, ad ultimam barbariem, omnemq; numinis diuini obliuionem pertrahere molitur. Nam cum religio, cultusq; diuinus, sine ministris seruisq; templi, Doctoribus item, nullo modo esse possit; Ministri autem sine victu, ac rebus alijs necessarijs, munere suo recte defungi non possunt. Cum ipsorum Apostolorum testi-  
**A&t: 6.**  
monio, non solum mensas querere, eos qui præsunt doctrinæ, non conueniat; sed ne illis quidem ministriare, aut eas dispensare. Qui enim militat Chri-  
**2. Timoth: 2.**  
sto, inquit Paulus, non debet se secularibus immiscere negotijs, vt possit placere ei, cui se probauit. **I**n quo loco addit D. Cyprianus: Quod cum de omnibus dictum sit, quanto magis molestijs & laqueis secularibus obligari non debent, qui diuinis rebus & spiritualibus occupati, ab Ecclesia recedere, & ad terrenos & seculares actus vacare non possunt;

**F** iij

possunt;

possunt? Cuius ordinationis & religionis formā, Leuitę prius in lege tenuerunt: vt cūm terram diuiderent, & possessiones partirentur vndeциm tribus; Leuitica tribus, quę templo, & altari, & ministerijs diuinis vacabat, nihil de illa diuisionis portione perciperet; sed alijs terram colentibus, illa tantum Deum coleret, & ad victum atque alimentum suum ab vndeциm tribubus de fructibus qui nascebantur, decimas perciperet. quod totum fiebat de authoritate & dispositione diuina: vt qui operationibus diuinis infistebāt, in nulla re auocarentur, nec cogitare, aut agere secularia cogerentur. quę nunc ratio & forma in clero tenetur; vt qui in Ecclesia Domini ordinatione clerica promouentur, in nullo ab administratione diuina auocentur, ne molestijs & negocijs secularibus alligentur; sed in honore sportulantium fratrum, tanquam decimas ex fructibus accipientes, ab altari & sacrificijs non recedant, & die, ac nocte, coelestibus rebus, & spiritualibus seruant. Qui igitur victum ac quasi demensum sacerdotum ac ministrorum templi aufert; hic simul religionem, omnemq; fidem christianam extinguit, vtq; gentes domini Dei sui obliuiscantur auctor est. Docet hoc Iuliani apostata exemplum; qui vt religionem christianū extingueret, omnemq; IESu Christi memoriam aboleret, illis artibus

## COMPOSITIO.

39.

artibus usus esse legitur, quas Zozomenes, Nicephorus, & alij Ecclesiastice historie scriptores referunt. Clerum, inquit, omnem muneribus & ministerijs Nicēpho: lib: militaribus in ea regione attribuit; quod quum 10. cap: 4. sumptibus onerosum, tūm ignominia contumeliosum existimatū est. Annonam & immunitatem, ibid. cap: 5. quam Constantinus pro sua erga Deum obseruātia clericis concesserat, ipse abrogauit, & in publicos prouentus retulit. Quę verò viduīs & virginibus propter inopiam cleri alimenta ē publico largienda destinata erant, ægrè & difficulter exigeabantur. Constantinus namque, quum Ecclesiās constitueret atque ordinaret, ex cuiusque vrbis prouentibus toti clero, quantum ad vitam tollerandam satis esset, rerum necessariarum tribuit; eamque rem sanctione legis confirmauit, que hucusque conseruatur. Sub Iuliano exactio eorum prouentuum dura admodum & grauis fuit, sicuti id exactorum ipsorum testantur monumenta. Cæterum parum fuit tyranno, tam hostili esse erga nos animo; nisi suum aduersus Ecclesiam odium, ad excidium eius prorsus conuerteret. Quæcunq. enim ei suppeditabant sacra vasa & donaria, ea abstulit, & in idolorum delubris reposuit. Vim etiam illam eis adhibuit, qui sub Constantino & Constantio templo deorum exortiſſent, vt vel ea celeriter restaurarent, vel æstimationem structu-

rx eorum

ræ eorum persoluerent. Sin hoc minus facerent, vt durius acciperentur, & in vincula coniicerentur, mandauit. Vnde illud satis coniicere licet, in eo quidem illum veteribus persequitoribus, quod corpora cum contumelia non excruciauerit, moderatiorem fuisse, rebus autem alijs modis omnibus illos exuperasse. Omni namque ex parte Ecclesiam affligere, manifestè est visus: & vno tantum modo humanior iudicatus, quod Episcopos sub Constantio exfilio mulctatos reuocauit, & in vrbes suas redire permisit. Atque id ille non misericordia fecit, sicut colligere est; sed vt Episcopos inter se committens, ad intestinum armaret bellum, & suis ipsa dissidijs Ecclesia labefactaretur. *Hactenus de Iuliani artibus. Qui igitur dotem Ecclesiae aufert, qui decimas non soluit; hic Iuliani spiritu agitur; hic religionis Christianæ inimicus est; hic à CHristo fideq; illius apostatauit: eadem enim agit, eadem spectat, eadem molitur. Sed et res ipsa idem, quod superius diximus, abundè probat. Ex eo enim tempore, ex quo haereditas Christi ab istis occupari cœpta est; quanta sit paucitas sacerdotum, quanta ministrorum templi naritas, videmus: turbæ primum eorum hominum vagabantur; nunc pauci admodum ubiq; conspiciuntur. Memini ego, cum Polonia cum Serenissimo Rege meo de bello redibam,*

cunum

## COMPOSITIO.

41.

vnum solum me in tota illa regione Catholicum sa-  
cerdotem vidiſſe, eumq; excommunicatum: sicq; ad-  
ducta fames illa est super populum christianum, quam  
prædixit Prophetæ: Ecce dies veniunt, dicit Domi- Amos 8.  
nus, & emittam famem in terram: non famem pa-  
nis, neque sitim aquæ; sed audiendi verbum Domi-  
ni. Et commouebuntur à mari vsque ad mare, &  
ab Aquilone vsque ad orientem, círcuibunt quæ-  
rentes verbum Domini, & non inuenient. Et Je-  
remias: Filij Sion inclyti, & amicti auro primo: Thren 4.  
quomodo reputati sunt in vasa testea, opus manu-  
um figuli? sed & lamiæ nudauerunt mammam, la-  
ctauerunt catulos suos: filia populi mei crudelis,  
quasi struthio in deserto. Adhæſit lingua lactentis  
ad palatum eius in siti: paruuli petierunt panem,  
& non erat qui frangeret eis. Qui vescebantur  
voluptuosè, interierunt in vijs, qui nutriebantur  
in croceis, amplexati sunt stercore. HActenus  
Prophetæ. Quod manifestè nunc re ipsa experimur:  
vagantur oves Christi, tanquam pecora sine pastore.  
Quæ autem deinceps sequentur, quis non videt, quis  
non intelligit? Inimicus homo fecit hæc omnia, ut Matth: 13.  
facilius superseminet Zizania, scq; ipsum Deum pro  
Christo constituant.

P ostremò, qui id quod debet DÆo non restituit,  
ille omnem cœli clementiam, terræ fecunditatem, ac  
felicitatem

*felicitatem, frugum item libertatem, omnemq; Dei benedictionem auertit, calamitatem autem, sterilitatem, famem, ægestatem omnem, tam priuatim, quam publicè, in se, liberosque suos, accersere atque attrahere videtur. Docet hoc scriptura: Respxistis, inquit, ad amplius, & ecce factum est minus: & intulisti in domum, & exsufflavi illud: quā ob causam, dicit Dominus exercituum? quia domus mea deserta est, & vos festinatis unusquisq; in domum suam. Propter hoc super vos prohibiti sunt cœli, ne darent rorem: & terra prohibita est, ne daret germen suum: & vocauī siccitatē super terram, & super montes, & super triticum, & super vinum, & super oleum, & quæcunq; profert humus, & super homines, & super iumenta, & super omnem laborem manuum. Et Malachias.*

*Malach: 3.*

*Reuertimini ad me, & reuertar ad vos, dicit Dominus exercituum. Et dixistis. In quo reuertemur? Si affiget homo Deum, quia vos configitis me. Et dixistis. In quo configimus te? in decimis & in primitijs. Et in penuria vos maledicti estis, & me vos configitis gens tota. Inferte omnem decimam in horreum, & sit cibus in domo mea, & probate me super hoc, dicit Dominus: si non aperuero vobis cataractas cœli, & effudero vobis benedictionem vsq; ad abundatiā, & increpabo pro vobis deuorantem, & non corrumpet fructum terræ vestræ, nec erit sterilis*

*vineæ*

## COMPOSITIO.

43.

vinea in agro , dicit Dominus exercituum. *Addit*  
*D. Hieronymus* : Si quando fames, & penuria , &  
rerum omnium egestas opprimit mundum ; scia-  
mus hæc ex ira Dei descendere, quod se in paupe-  
ribus fraudari dicit sua possessione. *Et scriptura*  
*quidem hæc. Sed* & res ipsa, atq; clarissima rei exem-  
pla, hoc idem testantur. Quam potens fuerit Germa-  
nia quondam , quam diues, quam opibus abundans,  
quis nescit ? nunc postquam Principes eius omnia tâ  
diuina, quam humana ad se transtulerunt ; quam e-  
gens, quam pauper, quam infirma sit , quis non videt ?  
Nulla gens vñquam fuit, quæ in persoluendis deci-  
mis liberalior atq; munificentior esset , his vicinis no-  
stris Hungaris, qui non ex frumentis tantum & vi-  
neis, auro item & reliquis, quibus abundant metallis;  
sed ex minutissimis etiam rebus, Domino magnificen-  
tissimè decimas persoluebant. Nulla tamè dition, nul-  
la r̄berior illis temporibus natio extitit, ita ut Aure-  
um Pomum regio illa diceretur. *Discessum est postea*  
*Lutheri et aliorum dogmatibus ab ea pietate atq; mu-*  
*nificentia: resq; eò progresæ est, quò videtis : exagge-*  
*re alienam miseriam nolo, ne exprobnare fortunā,*  
*quæ communis est, videar.*

*Quid ego de maioribus nostris dicam ? non fuerūt  
illi quidem homines immensis illis & monstrosis opi-  
bus onusti ; locupletes tamen satis, lautiq; fuerunt : bi-*

G ij

manibus

manibus ac sinubus, vt ita dicam, suis, Decimas in  
 domum Domini deportabant: bi consilia, fortunas,  
 consuetudinem, mensam, arcam, & omnia planè ha-  
 buerunt cum Leuitis communia: Templa, pauperum  
 domos, scholas ædificabant, magnificas donationes  
 faciebant; & eodem tempore tamen, diurna bella  
 cum potentissimis hostibus gerebant: prouincias vi-  
 cinas sibi adiungebant, publica ædificia erigebant,  
 filios educabant, filias elocabant, hæreditates stabi-  
 les & liberas posteritati suæ relinquebant: nec tamen  
 indigebant spolijs, non mendicitate, non sacrilegijs,  
 non peculatu, non usuris, non simonijs, non merca-  
 tu, & cauponarijs artibus, non aliunde accersitis æ-  
 conomijs, hoc est emungèdæ pecuniae fraudibus; qui-  
 bus nunc in hac istorum egestate et mendicitate plena-  
 sunt omnia. Quidita? Benedictio Domini diuites il-  
 los faciebat. Non relinquebat filios vagos, egentes,  
 obernitos, extorres, capite diminutos. Cur ita? redde-  
 bat eis Dominus bonum & non malum omnibus di-  
 bus suis. Quare & quia & illi reddebant ea quæ sunt  
 Cæsaris Cæsari, quæ Dei Deo. REDDITE IGI-  
 TVR ET VOS QVÆ SVNT CÆSARIS  
 CÆSARI, QVÆ DEI DEO. Et cùm reddi-  
 deritis, tūm itidem et vos Sacerdotes reddite vos ip-  
 sos animabus huius populi: reddite templis & aris de-  
 duotionem, & ministerium vestrum: Cathedris &  
 pulpitis,

pulpitis, quæ nunc deserta & puluere obsita iacent, doctrinam vestram: reddite iurisdictioni, iudicium vestrum: reddite sorti vestrae vosipso: relinquite militias, aulas, cauponas, venationes, superfluam aconomiam, tanto magis Bacchanalia, scurras, lenones, superfluos equos; & tunc, ubi sic mutuo vobis quæ vestra sunt reddideritis, pax erit, tranquillitas restituetur, Compositio cohærebit. Nam alia natione Syncretismus quidam, ut Demosthenis verbo utar, ad tempus inter vos componi poterit; pax tamen certa, fixa, stabilis, solida, secundum Deum, & leges eius nunquam cohærebit, ex arena funiculos nocte-  
tis, laterem lauabitis.

**N**ON fuit hoc dicent isti, antiquitus. Decimæ in primitiua Ecclesia non pendebantur: decimare quempiam Iudaicum quid est. Videamus an hoc idem docuerunt vetustissimi per totum orbem terrarū diffusi sancti, an idem sentiant. Primum igitur videamus Orientis Patres: in ijs est vetustissimus Origenes ille magnus, qui ut cætera omnia, ita & hoc magnifice tractat, omnesq. eius rei difficultates explicat. *Pri-* *Origen: in Nu-*  
*mitias omnium frugum, omniumq. pecudum Sacer-* *me: Capite 18.*  
*dotibus lex mandat offerri: ita ut omnis qui possidet* *Hom: II. De*  
*agrum, vel vineam, vel oliuetum, vel etiam hor-* *primit: offer:*  
*tum, & si quid est, quod exercetur in terris, sed & si*

## COMPOSITIO.

quis peculia cuiuscunq; pecoris nutriat, offerat ex ijs  
Deo omne quod primum est, id est, ad sacerdotes de-  
ferat. Deo enim offerri dicit, quod sacerdotibus da-  
tur. Et hoc est quod docemur ex lege, Quia nemo li-  
cite nec legitimè utatur fructibus, quos terra produ-  
xit, nec animantibus, quæ pecudum protulit partus;  
nisi ex singulis quibusq; Deo primitiæ, id est, sacerdo-  
tibus offerantur. Hanc ergo legem obseruari etiam  
secundum literam, sicut & alia nonnulla, necessari-  
am puto. Sunt enim aliquanta legis mandata, quæ e-  
tiam noui testamento discipuli necessaria obseruatio-  
ne custodiunt. Et si videtur prius de ijs ipsis, quæ in  
lege quidem scripta, sed tamē in Euāgelijs obseruan-  
da sint, sermo moueatur: & cūm hæc patuerint, tunc  
iam quid in ijs etiam spiritualiter sentiri debeat, re-  
quiremus. Sunt enim qui ita dicant, quia si aliquid  
Domino obseruandum est secundum literam, cur non  
& cuncta seruentur? Si verò ad spiritalem intelli-  
gentiam, quæ lex continet, referenda sunt; nihil om-  
nino secundum literam, sed spiritualiter debent uni-  
uersa discerni. Ostendimus ergo esse quædam, quæ  
omnino non sunt seruanda secundum literam legis, et  
esse quædam, quæ allegoria penitus immutare nō de-  
bet; sed omnimodè, ita ut scripturæ de ijs continent,  
obseruanda sunt: nunc requireo, si sunt aliqua, quæ  
& secundum literam quidem stare possint; necessariò  
tamen

## COMPOSITIO.

47.

tamen in eis etiam allegoriam requirendam. Sicut & in hoc sermone, quem habemus in manibus, arbitror conuenire: decet enim, & utile est, etiam sacerdotibus Euangeli offerri primitas. Ita enim et Dominus disposuit, ut qui Euangelium annunciant, de Euangeliō viuant: & qui altari deseruiunt, de altari participent. Et sicut hoc dignum & decens est; sic ē contrario & indecens, et indignum existimo, & impium; ut is, qui Deum colit, & ingreditur Ecclesiam Dei, qui scit sacerdotes et ministros adsertere altari, & aut verbo Dei, aut ministerio Ecclesiae deseruire; ut de fructibus terrae (quos dat Deus, solem suum producendo, et pluias suas ministrando) non offendit primitias sacerdotibus. Non mihi videtur huiusmodi anima habere memoriam dei, nec cogitare, nec credere, quia Deus dederit fructus, quos cepit, quos ita recondit, quasi alienos à Deo. Si enim à Deo sibi datos crederet, sciret utique (munerando sacerdotes) hononare Deum de datis & muneribus suis. Et adhuc ut amplius hæc obseruanda, etiam secundum litenam, ipsius Dei vocibus doceantur, addemus ad hæc: Dominus dicit in Euangeliis: Væ vobis Scribae & Pharisæi Matth. 23. hypocritæ, qui decimatis mentam, hoc est, decimam das mentæ, & cymini, & anethi, & præteritus, quæ maiora sunt legis. hypocritæ, hæc oportet fieri, & illa non omitti. Vide ergo diligentius, quomodo sermo domini

mini vult fieri quidem omnimodè, quæ maiora sunt legis, non tamen omitti & hæc, quæ secundum literam designantur. Quod si dicas, quia hæc ad Pharisæos dicebat, non ad discipulos, audi iterum ipsum dicentem ad discipulos: Nisi abundauerit iustitia vestra, plus quam scribarum & pharisæorum, non intrabitis in regnum cœlorum. Quod ergo vult fieri à pharisæis; multò magis, & maiore cum abundantia vult à discipulis impleri: quod autem fieri à discipulis non vult; nec pharisæis impenat faciendum. Quomodo autem plus velit fieri à discipulis, quam faciunt Pharisæi, in eo declarat, ubi dicit: Dictum est antiquis, non occides. hoc obseruant et Pharisæi: discipulis autem dicit: Ego autem dico vobis, quia si quis iratus fuerit fratri suo, reus erit iudicio. Similiter & de eo, quod scriptum est: Non adulterabis: suorum discipulorum in eo vult amplius abundare iustitiam; ut ne mulierem quidem videant ad concupiscendum. Igitur ex his quæ protulimus paucis, si qui studiosi sunt in scripturis diuinis, per facile colligere poterunt etiam cœterorum distinctiones. Sapiens enim si audiatur, inquit, verbum non solum laudabit; sed & adjicet ad illud. Quid adjicet? ut discutiat & discernat in singulis quibusq; capitulis legis, ubi fugienda sit legis litera, ubi amplectenda, ubi etiam narratio historicæ cum mystica expositione conueniat. Christus enim

Matth: 5.

Ibidem.

enim nos redemit de maledicto legis: non nos redemit de maledicto mandati, nec de maledicto testimonij, nec de maledicto iudiciorum; sed de maledicto legis: id est, ne subiecti essemus circumcisioi carnis, nec observationi sabbatorum, aliusq; horum similibus, quæ non in mandatis, sed in lege dicenda sunt contineri.

Quomodo ergo abundat iustitia nostra, plus quam scribarum et phariseorum; si illi de fructibus terræ suæ gustare non audent, priusquam primitias sacerdotibus offerant, et Leuitis decimæ separantur; et ego nihil horum faciens, fructibus terræ ita abutar; ut sacerdos nesciat, Leuites ignoret, diuinum altare nō sentiat?

Hunc sequutus est Epiphanius Cypræ Episcopus. At verò Apostolis dictum est, ut contenti Epiphanius  
sint prædicatione verbi, ut ne occupati sint iter faci- 80. Hæres lib:  
entes à ciuitate ad ciuitatem, & à loco ad locum ad 3. Tom: 2.  
prædicandum: Dignus est enim operarius mercede Luce 10.  
sua: & Sufficit operanti alimentum suum. Sed & pa-  
storibus similiter propter assiduam occupationem circa  
populos, & Ecclesiasticam administrationem, & fre-  
quens ministerium, dicit diuina scriptura: Quis pa- 1. Cor: 9.  
scit gregem ouium, & de lacte ipsius nō edit? aut quis  
plantat vineam, & de fructu ipsius non participat?  
Et dicit: Laborantem agricolam oportet primùm fru 2. Timot: 2.  
ctuum participem fieri: quo presbyterum aut Episco-  
pum non quotidiano alimento destitutum constitueret,

inhortans populos; ut ex iustis laboribus tribuant sacerdotibus, quæ ad alimentum pertinent, per primitias & oblationes, atque alia. Quorum potestatem habentes hi, qui ex Deo constituti sunt ad deducendum populos, neque his vtūtur ad facietatem, qui Deo perfectè complacere volunt. Hunc sequitur D. Chry-

*Chrysostomus* sostomus, qui pulcherrimè ex omnibus de ea tota  
in Actu: A- cura & prouisione ministrorum templi ita scribit.  
post: Cap: 8.  
Hom: 18.

Num opus est, ut unusquisq; fidelium ædificet Ecclesiam? & ut credat simul, etiam Doctor fit? Nungquid ante omnia hoc considerandum, ut omnes sint Christiani? Quomodo, dic mihi, Christianus erit agri colà, videns te sic suam negligere salutem? Non potes facere signa, et persuadere ijs, quibus illi persuaserunt, misericordia vtere, cum mansuetudine, affabilitate, aliisq; omnibus. Ac foras quidem ac balne a faciunt multi, Ecclesias autem non item, & omnia magis quam has. Ideo oro ac supplico, & gratiam peto, immò & legem pono; ut nullus qui habet villam, apparere carere Ecclesia. Ne mihi dixeris propè est, in vicinia est; magnus est sumptus, non magnum commodum: si quid habes insumendum in pauperes, illuc insume; melius illuc, quam ibi: educa magistrum, educa diaconum, & sacerdotalem ordinem. Quasi ducta uxore vel sponsa, vel data virgine; sic erga Ecclesia affectus es, dotem ascribe illi; ita tibi benedictionis prædiu-

## COMPOSITIO.

57

prædium multiplicabitur. Quid enim non erit illic bonorum? Parumne est oro torcular benedici? parumne est Deum ex omnibus frugib[us] ac decimis priu[is] partem ac decimas accipere? Ad pacem agricolarum hoc utile. Venerabilis erit Et presbyter postea, Et ad securitatem agri conducet. Preces illic perpetuae propter te, laudes Et synaxes propter te, oblatio per singulos dies Dominicos. Quid magis mirandum, quod alij exstruunt clara sepulchra, ut posteri audiant quod ille construxit, an quod tu Ecclesias excitas? Cogita quod usq[ue] ad Christi aduentum mercedem habiturus sis, qui altare Dei excitaturus es. Dic enim oro, si rex tibi præcepisset domum exstruere, ut illic habitat, nonne omnia fecisses? Nunc igitur Regia est Christi Ecclesiae constructio: ne sumptum spectes, sed fructuum computa. Illi colunt terram, tu cole illorum animas: illi tibi ferunt fructus, tu illos infer in caelos. Qui initium dedit, hic Et omnium aliorum causa est. Igitur Et te authore illic erudiantur initiandi ij, qui agro tuo vicini, quum balnea quidem moliores reddant agricolas, institoriae officinæ delicatores, attamen facitis haec propter gloriam. Forum Et præatoria publica faciunt impudentes. Hic autem omnia secuuntur. Quale enim fuerit, videre senem, ad exemplum Abrahæ incidentem, canum accinctum, et fodiensem Et ipsum operantem. quid illo agro desiderabilius?

Hij

Hic

*Hic maior est virtus. Non est lascivia illuc, sed ab-  
acta est: non est ebrietas, ac voluptas, sed eliminata  
est: non est vana gloria, sed extincta est: plus illuc ful-  
get benevolentiae propter simplicitatem. Quantares est  
abire & ingredi in domum Dei, & videre quod ip-  
se illam extruxerit, & quiescere in villa securum, &  
babere deambulationem seruientem corpori, & ma-  
tutinis vespertinisq; hymnis esse praesentem, ac simul  
prudentem sacerdotem, simul conuersantem, benedi-  
ctione frui, & alios videre illuc venientes? Hoc fue-  
rit in murum ac securitatem agri. Hic est ager, de quo  
dicit: Odor agri pleni, cui benedixit Dominus: quam  
uis & preter hoc bona sit villa, propter quietem, pro-  
pter abundantiam oij: quod si templum accesserit,  
quid illi comparabitur? Villa enim habens Ecclesia,  
paradyso Dei comparatur: non est illuc clamor, non  
est turbatio, non varij inimici, neque secte: omnes li-  
cet videre amicos, & participes corundem dogmatu.  
Dicit te in philosophiam; ab hac philosophia accipi-  
ens te presbyter cunibit facile: nam hic, quecunq; di-  
xerimus, forum excutit: illuc autem quaecunq; audi-  
eris, fixa habebis in mente. Alius in agro eris per il-  
lum, & illis praesidebit ac erit custos, & ut assint, &  
ut componant scipios. Unde autem est & sumptus,  
dic mihi? Fac iam paruam domum pro templo, qui se-  
quetur te, faciet porticum, qui post illum aliam adjici-  
et; &*

*Genes. 27.*

## COMPOSITIO.

53.

et; & sic tibi imputabitur totum. Tu das parum, et totius accipies mercedem. Igitur initium facito, fundatum iacito, immo mutuum adhortemini, ut certetis in hac re. Nunc autem domus, in quibus paleam et frumentum, & omnia talia reponi oportet, facile exstruunt: ubi autem colligere oportet animarum fructus, minimè curant; sed coguntur multis stadijs ire, et magnas profectiones facere, ut in Ecclesiam abeant.

Quantum autem est bonum, cum multa quiete in Ecclesiam sacerdotem venire, ut accedat Deum, & praecia quotidie oret ad dominum? Parum est, dic oro, in sanctis oblationibus nomen tuum semper referri, & quotidie pro villa preces ad Deum fieri? Quantum tibi & ad alia hoc conducit? Contingit quosdam ex vicinis habitare, & habere cunatores. Ad te igitur pauperem non dignabitur ullus horum venire: ac presbyterum fortassis vocabis, & mensē participem facies. Vides quanta inde erunt bona? Erit tunc villa ab omni suspicione libera: nullus homicidij, nullus furti accusabit, neque aliquid suspicabitur. Habent et alias consolationem, siue morbus, siue mors accidat. Non simpliciter neq; fortuitò etiam amicitiae fiant eorum, qui illuc eunt, & congregations erunt multò alijs cœtibus suauiores: non solum autem congregations, sed et illi qui præsunt per presbyterum sunt magis reuerendi. Omnia audis quod Hierusalem olim

H ij

alijs

alijs ciuitatibus honoratior fuerit; sed non simpliciter,  
 verum propter impietatem, quae tunc preualuerat.  
 Propterea ibi colebatur Deus. Nihil est mali, multa  
 securitas erit & apud Deum & apud homines. Eti-  
 am oro, ne obiter, sed alacriter opus in manus suscipi-  
 atis. Qui enim educit pretiosum a vili; quasi os dei e-  
 rit, qui tot animalibus tam presentibus, quam futuris,  
 usque ad aduentum Christi prodest; quantam gratiam  
 apud Deum habebit? Præsidium exstremo contra dia-  
 bolum. Hoc est enim Ecclesia. Illinc impetum faciat  
 manus ad laborem: prius extendantur in precibus; et  
 tunc abeant ad opus, unde erit corporis robur: ita erit  
 multa agricolatio, ita omnia mala erunt foris: non  
 potest voluptas verbis tradi, quamdiu opere nondum  
 fuerit suscepta. Ne hoc videris quod nullam habeat  
 accessionem ac commodum: nam si hoc feceris, nihil  
 facies, si non putas tibi utilitatem prædio maiorem ac  
 cedere: si non sic affectus es; non operaberis, si non o-  
 pus hoc cogitas tuis omnibus præferendum. Quid hac  
 utilitate maius, animas in aream quae est in cœlo, in-  
 dicere? Hei mibi, quod nescitis, quantum sit lucrifa-  
 cere animas. Audi quid dicat ad Petrum Christus:  
 Si diligis me, pasc e oues meas. Si oues regias videns,  
 vel equorum armentum apud stabulum non habere,  
 quæ proponantur, accipies ipse, & exstrues stabulum  
 & equile, vel præficies pastorem, quantas te remune-  
 ratus

## COMPOSITIO.

55.

natus est rex ? nunc ouile Christi congregas, & pa-  
storem praeficias ; & non putas magnum quiddam te  
facere ? Quid dico ? Si quis scandalizarit etiam c-  
num, tantas penarum minas audit, qui tot seruat no  
seruabitur ? nam quale postea habebit peccatum ? e-  
tiam si habuerit, non delebit illud ? A pena eius, qui  
scandalum dederit, disce præmium eius qui seruat. Si  
non curæ esset Deo etiam unius animæ salus ; non  
tam inasceretur ob illius perditionem. Hæc igitur sci-  
entes, curam habeamus operis spiritualis, & me unus  
quisque vocet, & nos pro viribus simul openibimus.  
Et siquidem tres fuerint domini ; in commune confe-  
niant : si autem unus ; et alijs vicinis suadeat : tantum  
ut hoc corrigat, solliciti sitis ; ut ubique bene placen-  
tes Deo, eterna bona consequamur, gratia & miseri-  
cordia domini nostri Iesu Christi, cum quo Patri &  
Spiritui S. gloria, honor, imperium, nunc & semper,  
&c. In meridie ex Aphricanis patribus, primus  
est beatissimus martyr, & pontifex Cyprianus, qui  
hac de re hunc in modum scribit. *In nobis vero*  
*sic caranimitas diminuta est ; ut largitas operationis*  
*infracta est. Domos tunc & fundos venundabant,*  
*& thesauros sibi in caelo reponentes, distribuenda in*  
*risus indigentium pretia, Apostolis offerebant. At nunc*  
*de patrimonio nec decimas damus. Et cum vendere*  
*auteat dominus ; ctimus potius & augemus. Sic in*  
*nobis*

Cyprianus de  
unitate Eccles:

*nobis emarcuit vigor fidei : sic credentium robur elan-*  
*guit. Et idcirco dominus tempora nostra respiciens, in*  
**Lucæ: 18.** *Euāgelio suo dicit : Filius hominis cūm venerit, putas*  
*inueniet fidem in terra ? Videlicet fieri, quod ille p̄ræ-*  
*dixit. In dei timore, in lege iustitiae, in dilectione, in o-*  
*pere, fides nulla est. Nemo futurorum metum cogitat,*  
*diem domini, & iram Dei : et incredulis ventuni sup-*  
*plicia, & statuta perfidis æterna tormenta, nemo con-*  
*siderat : quod metueret conscientia nostra, si crederet :*  
*quia non credit omnino ; nec metuit : si autem crede-*  
*ret ; & caueret : si caueret ; euaderet. Excitemus nos*  
*quantum possumus, dilectissimi fratres, & somno iner-*  
*tiae veteris abrupto, ad obseruanda & gerenda domi-*

*August: de ni p̄cepta vigilemus. Cyprianum sequitur D. Au-*  
*rectitudine ca-*  
*tholice conuer-*  
*sationis. Tra-*  
*Etatu 20.* *Unusquisque de quali ingenio vel artificio*  
**Tom: 9.** *viuit ; de ipso decimam Deo in pauperibus, vel in Ec-*  
*clesia donet : consideret, quia omnia dei sunt, per quæ*  
*viuit : siue terra, siue flumina, siue semina, vel omnia*  
*quæ sub cœlo sunt, vel super cœlos. Ei si ipse non de-*  
*disset, nihil utique haberet. Nam Deus, qui dignatur*  
*totum dare ; decimam de suo dignatur nobis repetere,*  
*non sibi penitus, sed nobis profuturum : sicut ipse pro-*  
*misit per Prophetam, dicens : Inferte, inquit, omnem*  
*decimationem in horreis meis, & probate me in his, di-*  
*cit Dominus : si non aperuero vobis fructus, quæ pos-*  
*sideratis super terram, quod cognoscitis deo placere. No-*  
*lite de*

*Malach: 3.*

## COMPOSITIO.

57

lite de cuncta substantia vestra fraudare decimam; ne  
vobis nouem partes auferentur, & sola decima rema-  
neat. Conuertimini adhuc, dicit dominus, ut aperiam  
vobis catamitas cœli, & effundam super vos bene-  
dictionem meam. Si igitur dederitis voluntarie, plus  
semper dominus dabit vobis. Si non dederitis, quanti-  
cunque pauperes, in quibus locis habitatis, fame mor-  
tui fuerint, tantorum homicidiorum rei eritis. Insu-  
per, immittet vobis dominus pestilentiam et famam; et  
perdetis totum quod habetis, nec non & animas ve-  
stras. Ut autem hæc vobis non veniant, festinate  
cum bono animo dare, unde animas vestras possitis  
redimere. Et alibi. Propitio Christo, fratres charissi- Ibidem Aug:  
mi, iam propè sunt dies, in quibus messe colligere de- Ser: 219. Tō:  
beamus; & ideo gratias agentes Deo qui dedit, de of-  
ferendis, imò reddendis decimis cogitemus. Deus e-  
nim qui dignatus est totum dare, decimam à nobis di-  
gnatur repetere, non sibi, sed nobis sine dubio profu-  
turam. Sic enim per Prophetam ipse promisit, dicens:  
*Inferte, inquit, omnem decimam in horreis meis, ut  
sit cibus in domo mea, & probate me in his,* dicit Do-  
minus. Si non aperuero vobis catamitas cœli, & de-  
dero vobis fructum usq; in abundantiam. Ecce pro-  
bauimus, quomodo nobis decime magis quam Deo  
proficiant. O homines stulti, quid mali imperat Deus,  
ut non mereatur audiri? Sic enim dicit: Primitias Exodi 22.

I

arcæ

*arcetue et torcularis tui, non tardabis offerre mihi.  
Si tardius dare peccatum est, quanto peius est non dedisse? Et iterum dicit. Honora Dominum Deum tuum de tuis iustis laboribus, deliba ei de fructibus iustitiae tue; ut repleantur horrea tua frumento, vino quoque torcularia tua redundabunt. Non praestas hoc gratis quod citio recipies magno cum fænore.*

Ex occidentis patribus vetustissimus fuit, & qui ipsa tempora Apostolorum sequutus est Irenæus, qui inde probat contra Valentianum & Martianum, Iesum Christum verum Deum, & veri Dei filium esse, quodd illi primitias atque decimas fideles offerant: et si alio modo quam in veteri lege. Ver-

*Trenceus lib: 4. ba eius sunt hæc. Offerre igitur oportet Deo primi-  
Cap: 34. tiæ eius creature, sicut & Moyses ait: Non appa-  
rebis vacuus ante conspectum Domini Dei tui: ut  
in quibus gratius exstiterit homo, in his gratius ei deputa-  
tus, eum, qui est ab eo, percipiat honorem. Et non ge-  
nus oblationum reprobatum est, oblationes enim &  
illuc, oblationes autem et hinc. Sacrificia in populo, sa-  
crificia & in Ecclesia; sed species immutata est tan-  
titum: quippe tum iam non à seruis, sed à liberis offe-  
natur. Unus enim et idem Dominus, proprium autem  
character seruulis oblationis, & proprium liberorum,  
ut & per oblationes ostendatur indicium libertatis.  
Et decimas quidem vnde tunc soluerent non plane  
habebant*

Habebant, omnia tamen sua ad pedes Apostolorū eos detulisse, Idem testatur Irenæus. Sequitur hunc D. Ambrosius. *Quicunq; inquit recognouerit in se, quòd fideliter non dederit decimas suas; modo emendet, quod minus fecit. Quid est fideliter dare, nisi ut nec peius nec minus aliquido offerat de grano, aut de vino, aut de fructibus arborum, aut de pecoribus, aut de horto, aut de negocio, aut de ipsa venatione sua.*

In Septentrionem versis adest D. Hieronymus, qui inquit. *Quoniā quidquid habent Clerici pauperū est: et domus illorum omnibus debent esse comunes: suscep- tioni peregrinorum & hospitum inuigilare debent: maxime curandum est illis, ut de decimis & oblationibus cœnobij, & xenodochijs, qualem voluerint & potuerint sustentationem impendant. Liberum est enim Monachis & Spiritualibus viris, Deum colen- tibus & timentibus, decimas, & oblationes, cunctaq; remedia concedere, de iure suo in dominium illorum & usum transferre: nec tam in pauperibus paupertatem, quam religionem attendere. Quòd autem beatitudo quæsiuit, utrum usus decimarum & oblationum secularibus prouenire possit, nouit vestri Sanctitas, omnino non liceres protestantibus hoc diuinis au- thoritatibus paternorum Canonum. Quamobrem si aliquando fuerint ab his male detenta, quæ diuini iuriis esse noscuntur, & in usum transierint, Monacho-*

*Ambrosius apud Gratianum causa 16. q. 7. in sermo: quadragesi:*

*Gratianus in dictis cau- sa 16. q. affert Epistolā Hieronymi ad Da- masum Papā.*

rum et seruorum Dei; Episcopo tamen loci illius præbente consensum, constabunt eis omnia perpetua firmitate & stabilitate submixa. Clericos autem illos cōuenit Ecclesie stipendijs sustentari; quibus parentum & amicorum nulla suffragantur stipendia. Qui autem bonis parentū & opibus sustentari possunt, si quid pauperum est, accipiunt, sacrilegium profecto incurront & committunt, & per abusione talium, iudicium sibi manducant & bibunt. Hæc Hieronymus.

Quod si consensus omnium Ecclesiarum, præser-tim earum, quæ matrices appellantur, certa nota Apostolicæ traditionis est, decimarum profecto ius, tot tantisque testibus, ab ipso Christo, eiusq. Apo-

### Obiectio.

stolis profectum erit. Non idem tunc erant, inquiunt isti sacerdotes, nec tales, nec iisdem moribus prædicti, nec in eas res bona conferebant Ecclesiastica. At idem est Deus, idem Christus Dominus, cui hæc debentur omnia, cuius hæc hæreditas, hæcque possessio propria existit. Num autem in eum modū de Pontificibus, patribus, ac præpositis vestris iudicare conueniat necne; discamus ab Ecclesia (vt Pauli voce utar) primitiorum, discamus à sanctis Dei patribus. Post deum, inquit Cyprianus, iudicem, qui sacerdotes facit, te scelle, non dicam de me, quantus enim ego sum? sed de Dei et Christi iudicio iudicare: hoc est, in Deum non credere, hoc est, rebellum aduersus Christum, & aduersus

Cypria lib: 4.

Epist: 9.

Euange-

## COMPOSITIO.

61.

Euangelium eius existere: ut cum ille dicat: Non-Matth: 10.  
 ne duo passeris a se veneunt, & neuter eorum cadit  
 in terrum sine patris voluntate? & probet maiestas  
 eius, & veritas sine conscientia & permisso Dei, eti-  
 am minora non fieri; tu existimes sacerdotes Dei sine  
 conscientia eius in Ecclesia ordinari? Nam credere,  
 quod indigni & incesti sint qui ordinantur, quid ali-  
 ud est; quam credere, quod non a Deo, nec per De-  
 um sacerdotes eius in Ecclesia constituantur? An  
 putas, maius esse de me meum, quam Dei testimonium?  
 cum Dominus ipse doceat & dicat, testimonium non  
 esse verum, si quis ipse de se testis existat, eo quod unus  
 quisque utique sibi faueat, nec contra se aliquis infe-  
 sta & aduersa depromat; fides vero sincera sit verita-  
 tis, si in prædicationibus nostris alius sit prædicator,  
 ac testis. Si testimonium, inquit, dixero de me, testimoniū loannis 8.  
 nium meum non est verum: alius est enim, qui testis  
 est de me. Quod si ipse Dominus omnia postmodum  
 indicaturus, noluit de testimonio suo sibi credi, sed ma-  
 luit de iudicio ac testimonio Dei patris probari; qua-  
 to magis hoc seruos eius obseruare oportet, qui iudicio  
 ac testimonio Dei, non probantur tantum, sed etiam  
 gloriantur? Quis autem nostrum longè est ab humili-  
 tate? utrumne ego, qui quotidie fratribus seruio, et  
 venientes ad Ecclesiam singulos benignè, & cum vo-  
 to & gaudio suscipio? an tu, qui te Episcopum episco-  
 pi, & iudi-  
& paulò infe-  
rius.

pi, & iudicem iudicis, ad tempus à Deo dati constituta-

**D**euteronomio 17. is & cùm dominus Deus in Deuteronomio dicat: Et homo, quicunque fecerit in superbia, ut non exaudiatur sacerdotem, aut iudicem, quicunque fuerit in diebus illis; morietur homo ille: & omnis populus, cùm audierit, timet, et non agent impie etiam nunc. Et iterum ad Samuelem loquitur, & dicit: Non te spreu-

**I**n Reg: 8. uerunt, sed me spreuverunt. Et adhuc Dominus in E-  
**J**ohannis 18. uangelio, cùm ei dictum esset: Sic respondes pontifi-  
ci: custodiens et docens sacerdotalem honorem serua-  
ri oportere, contra pontificem nihil dixerit; sed inno-  
centiam suam tantummodo purgans, responderit di-  
cens: Si male locutus sum, exprobra de malo; si au-

**A**ctu: 23. tem bene, quid me cedis? Item B. Apostolus, cùm ei  
dictum esset: Sic insilis in sacerdotem Dei maldicē-  
do? nihil contumeliosè locutus sit aduersus sacerdo-  
tem: quando et potuerit se constanter exercere aduer-  
sus eos, qui dominum crucifixissent, et qui iam Deum  
& Christum, & templum, & sacerdotiū perdidissent.  
Sed quamvis in falsis & spoliatis sacerdotibus, com-  
bram tamen ipsam inanem sacerdotalis nominis cogi-  
tans dixerit: Nesciebam fratres, quia pontifex est;  
scriptum est enim: Principem plebis tuae, non male-  
dices; nisi si sacerdos tibi fui ante persecutionem, qui  
do mecum communicabas; post persecutionem, sacer-  
dos esse desini. Persecutio enim veniens, te adsum-  
tam mar-

**E**xodi 22.

mam martyrij sublimitatem prouexit: me autem proscriptoris onere depresso, cum publicè legeretur: Si quis tenet, vel possidet de bonis Cæciliij Cypriani Episcopi christianorum, ut etiam qui non credebat Deo, Episcopum constituenti, vel diabolo crederet, Episcopum proscribenti. Nec hæc iacto, sed dolens profero, cum te iudicem Dei constitutas & Christi, qui dicit ad Apostolos, ac per hoc ad omnes Præpositos, qui Apostolis vicaria ordinatione succedunt: Qui audit vos, Lucæ 12. me audit; & qui me audit, audit cum, qui me misit. Et qui reijcit vos, me reijcit, & cum qui me misit. In de enim schismata, & hæreses obortæ sunt, & oriuntur; dum Episcopus, qui unus est, & Ecclesie præest, superba quorundam præsumptione contemnitur, & homo dignatione Dei honoratus, indignus hominibus iudicatur. Quis enim hic est superbiae tumor? quem arrogantia animi? quem mentis inflatio ad cognitionem suam præpositos & sacerdotes vocare? ac nisi apud te purgati fuerimus, & sententia tua absoluta; ecce iam sex annis, nec fraternitas habuerit Episcopum, nec plebs Præpositum, nec grex pastorem, nec Ecclesia gubernatorem, nec Christus antistitem, nec Deus sacerdotem. Subueniat Puppianus, & sententiam dicat, & iudicium Dei & Christi, in acceptum referat; ne tantus fidelium numerus, qui sub nobis accessitus est, sineesse salutis, & pacis exisse videatur:

nec nouus

ne nouis credentium populus, nullam per nos consecutus esse baptismi & Spiritus sancti gratiam iudicetur: ne tot lapsis & paenitentibus pax data, & communio nostra examinatione concessa, iudicij tui auctoritate soluatur. Annue aliquando, & dignare pronunciare de nobis, & Episcopatum nostrum, cognitio-  
nis tuae auctoritate, firmare; ut Deus, & Christus eius agere tibi gratias possint; quod per te sit auctoritas & rector, altari eorum, pariter ac plebi restitutus. Apes habent regem, & ducem pecudes, & fidem seruant. Latrones mancipi, obsequio pleno humilitatis, obtemperant. Quantò simpliciores & meliores cibis sunt bruta pecudes, & muta animalia, & cruenti, licet ac furentes inter gladios, atque inter arma praedones? Praepositus illic agnoscitur & timetur, quem non sententia diuina constituit; sed in quem factio perdita & nocens caterua consensit. Hactenus Cyprianus. Eadem, & iisdem ferè verbis docet Diuus

*Chrysostom: 2 Chrysostomus. Qui honorat inquit sacerdotem, De Epist: ad Ti- um quoque hononat; qui verò sacerdotem spernit, ad moth: Cap: 1. id sensim prolabitur; ut in Deum ipsum aliquando contumeliosius euadat. Qui vos inquit suscipit, me suscipit; & qui vos spernit, me spernit. Et sacerdotes, ait scriptura, eius, in honore habete. Hinc Iudei Deum spernere didicerunt, quia Moysen contempse- runt, quia lapidibus illū impetebant. Nam qui pic- cerdots*

cerdoti afficitur, longè maiore pietate Deum reuerebitur. Et si enim malus fuerit sacerdos quispiam, attendit Deus, quòd sui gratia, illum etiam, qui dignus honore non est, obsequijs foues, ipseq; tibi præmia exsoluet. Si enim, qui prophetam in nomine prophetæ Matth: 10. suscipit, mercedem prophetæ accipiet; profectò & qui cedit & obtemperat sacerdoti, eum & propter dominū honorat, & ipse à domino benedicetur, mercedeq; sua non destituetur. Super cathedram, inquit, Moysi, sederunt scribæ & pharisei: omnia ergo, quæcunque dixerint vobis facere, facite; secundum autem openi corum, ne faciatis. An ignoras, quid sit sacerdos? An- Malach. 2. gelus utique domini est: non ex seipso loquitur: si despicias, non illum despicias; sed Deum, qui illum ordinauit. Sed unde, inquires, constat, Deum fuisse illius ordinationis authorem? Nisi enim tu hanc habcas fidem & opinionem, spes tua inanis facta est. Nam si nihil per illum operatur Deus; neque lauacrum habes, neque mysteriorum particeps es, neque benedictionibus frueris. Non ergo Christianus es. Quid ergo? Deus omnes ordinat, & que dignos & indignos. Non omnes quidem ille ordinat, per omnes tamen ipse operatur salutem populi moliens, non illorum intuens merita. Nam si per asinæ os, si per Balaam, scelustum Numeri 22. hominem, populi causa locutus est; multò magis loquitur per sacerdotem, plebis sue gratia. Quid enim

non agit Deus salutis nostræ causa? quid non loquitur ē per quem non operatur? Si enim per Iudam operatus est, et per Prophetas, quibus dicturus est: non noui vos: discedite à me, qui operamini iniquitatem: siigitur vel hi etiam, demones in nomine eius eiecerunt; non magis per sacerdotes, diuino ministerio famulantes operabitur? Namquæ si præpositorum vitas discutere pergimus; ipsi quoque doctores nostros ordinare debemus: peruersi q; ordine naturali, quæ supnæ sunt, infra constituentur; vt superius pedes, inferius verò sit caput. Audi quid Paulus dicat: Mibi autem pro minimo est, vt à vobis iudicer, aut ab humano die. Et iterum: Tu, quid iudicas fratrem tuum? Si fratrem iudicare non expedit; quanto minus magistrum? Nam siquidem hoc statuit Deus, bene facis, peccasq; mi facias; sin verò contraria præcepit, noli presumere, neque ea coneris, quæ super te sunt, neq; limites tibi positos transilias. Insurrexerunt aduersus Aarō, post vituliformatam effigiem, Chore, Datan, et Abiron. Quid ergo? nonné illi periérre? Quilibet quæ ad se pertinent, solicite curet. Nam si quidem fidei dogma peruerat, etiam si angelus sit; obaudire noli: sin verò recta docet; noli vitæ, sed verbis intendere. Habes Paulum, verbis te, operibusq; ad id, quod recte & honestè est, te informantem. Non distribuit pauperibus, inquies, non bene dispensat Ecclesiæ res.

Unde

**Matth: 7.**

**I. Cor: 4.**

**Rom: 14.**

**Nume: 16.**

Vnde id tibi constat? Noli illum damnare, antequit  
discas: reatum caue; plurima quippe ex simplici su-  
spicione iudicantur. Imitare Deum tuum, audi ipsum  
dicentem: Descendens videbo, si secundum clamō- Genes: 18.

rem suum consumantur, an non; ut recte sciam. Quid  
et si didicisti, et examinasti, et vidisti; expecta iu-  
diciū: noli præripere Christi iudicis ordinem: illius  
est munus ista discutere, non tuum: tu seruus ulti-  
mus, non dominus es: ouis ipse es, pastorem noli cu-  
riose discutere; ne eius quoque criminis reus tenea-  
ris, quod illum accusare præsumis. Et quomodo, in-  
quies, id mihi dicit, quod ipse non facit? Non tibi  
ipse dicit: Nam si illi obtemperas; mercede priuaris:  
Christus hæc admonet. Plus aliquid dicam. Ne Pau-  
lo quidem obedire oportet, si quid dixerit proprium,  
si quid humanum; sed Apostolo Christū in se loquer- Rom: 14.

tem circumferenti. Non igitur mutuò iudicemus nos:  
sua quisque recte discutiat, vitamq; dijudicet suam.

At debet ille, inquies, melior esse quam ego. Cur, te  
obsecro? Quia sacerdos est. Et quid non habet ille  
amplius, quam tu? non labores? non pericula? non  
angores? non ærumnas? Furatur, inquies, et sa-  
crilegus est. Unde hoc nosti o homo? cur te ipsum per  
præcipitia impellis? sunt verba ista plena arrogan-  
tiae: nempe si quis dixerit, ille purpum habet: qui  
quis id scias, aures obstrue. Quid ergo hoc in loco pe-

Matth. 12.

riculum minime necessarium suscipis? Non carent  
reatu hæc verba. Audi quid dixerit Christus: Dico  
autem vobis, quod omne verbum ociosum, quodcumq;  
locutifuerint homines, reddent nationem de eo in die  
iudicij. Cur te ipsum arbitraris esse meliorem? cur no  
ingemiscis magis, ac pectus tundis, atq; in humum re  
spicis imitando publicanum? Etsi enim melior sis; hac  
fœda existimatione tua, scunda perdidisti. Meliores!  
tace, ut persistas esse melior: quod si loquaris, omnia  
exinanisti. Tuam igitur & non alienam examina vi  
tam. Tu de sacerdote dicas: Non sum, sicut iste sacri  
legus; & non omnia prorsus amittes? Ista necessa  
rio dicere, ac plurimis verbis prosequi cogor, non sa  
cerdotum tantum gratia, sed vestri: nam vereor, ne  
hac elatione, virtus exhauriatur vestra, in iudiciumq;  
decidatis. Audi denique, quid dicat admonens Pau  
lus: Opus autem suum probet unusquisque; & tunc  
in semetipso tantum habebit gloriam, & non in alte  
ro. Nam, dic oro, si saucius proficiscaris ad medicū;  
num omisa cum vulneris tui, studiosè medicum per  
cundaris, vulnus ille habeat, nec né? Nunquid enim  
si sacerdos malus sit, inde solarium capiet subditus? ni  
bil minus. Cæterum, dabit ille quidem scelerum suo  
rum debit as penas; dabis etiam & tu tuorum crimi  
num penas. Cuius ergo rei gratia, inquires, presidet?  
cur prepositus est? Ne quæso, doctores nostros male  
dictis

Luce 18.

Galat. 6.

## COMPOSITIO.

70.

dictis impetamus, uti ne nosmet potius ledamus. Nostra, ut dixi, omnia discutiamus, & neminem penitus maledicemus. Reuereamur diem illam, qua illuminati ab illis sumus. Patrem qui habet, & si mille patiantur incommoda; omnia patris reuerentia conteget. Noli enim, inquit, gloriari in ignominia patris tui; Eccles: 3. neque enim tibi tam gloria, quam probrum est. Et se sensum amiserit, veniam habe. Longè hæc magis in patre spirituali dicenda sunt: reuerere illum, quod tibi diebus singulis diuina ministrat: scriptum relegi facit tui gratia: exornat domum: propter te vigilat: propter te vota persoluit: pro te Deum precaturus ad stat: tui causa preces exsoluit. At malus ille est: & hoc ad te quid? Nunquid enim qui malus non est, ipse tibi magna ista & diuina largitur? Absit. Fides enim tua ad omnia valet; neque tibi iustus quispiam proderit; nisi ipse fidelis sis: neque nocebit malus; se fuerit ipse fidelis. Per raccas in area operatus est Deus, cum populum saluare vellet. Num enim sacerdotis vita, num virtus tantum conferre potuissent? Non possunt, quæ Deus ipse largitur, velut sacerdotali virute perfici: omnia quippe diuinæ sunt gratiæ: Symbolum iste tantummodo implet. Intuere quantum inter Iesum & Ioannem interest: & audi dicentem Ioannem: Ego opus habeo à te kaptisari, & tu venis Matth: 3. ad me. Sed tamen, cum tantum interest, descendit Spiritus, quem

K ij

ritus,

## COMPOSITIO.

ritus, quem non habebat Ioannes, neq; Ioannes ipsum descendere fecit. Cur ergo istud fit? Ut scias, sacerdotem symbolum implere tantummodo; Deum autem omnia openari, Deum omnia perficere. Sacra ipsa oblatio, siue illam Petrus, siue Paulus, siue cuiusvis meriti sacerdos offerat; eadem est, quam dedit Christus ipse discipulis suis; quamq; sacerdotes modo quoq; conficiunt. Nihil habet ista, quam illa, minus. Cur id? Quia non hanc sanctificant homines, sed Christus, qui illam ante sacrauerat. Quia autem hoc illo minus aliquid habere putat, ignorat Christum esse, qui nunc etiam adest, atque operatur. Hec igitur scientes (neque enim absque certa ratione hæc omnia dicta sunt, sed ut sententiam vestram sensumq; corrigamus, cautoresq; in posterum faciamus) omni studio & diligenzia conseruate. Nam si semper audimus, & nunquam audita perficimus, nihil ex his, quæ dicuntur, emolumenti percipimus. Hec Chrysostomus.

Sed qualescunq; isti sunt, vestri sunt, progenies vestra, vestro ex sanguine creti, ex vobis nati, à vobis educati, per vos maioribus suis cōmendati, importuneq;, coactè, violenter, toties contra omnem Ecclesiasticam disciplinā intrusi. Homines plerūq; ignari, inertes, inepti, quibus ipsis patrono opus sit, vt fœdiora prætermittā. Qua causa cōmēdati? quæstus & priuate utilitatis gratia, siq; vobis in illis nō paretur.

## COMPOSITIO.

72

paretur cœlum & terram clamoribus completis,  
 quorum causa vobis aliquando difficillima apud  
 Deum ratio reddenda erit. Nam & illos hoc modo  
 perditis, & Ecclesiā Dei magno afficitis incōmodo:  
 tamen vultis ut delicta personarum contra magnū  
 illum Gregorium in damnum Ecclesiae conuertan-  
 tur. Cùm sanctus scribat Leo : Si fortassis ( quòd Gratian⁹ cau-  
 non credimus ) apud vos inutiles iudicamur : Ec-sa 16. qu. 6.  
 clesia tamen , cui ( permittente Deo ) præsumus,  
 non invtilis, sed caput principiumq. omnium me-  
 ritō simul ab omnibus vocatur. Quod igitur con-  
 triuistis, ipsis vobis comedendum est. Vbiique e-  
 nim vos ingeritis, vos Doctores, vos Episcopi, vos  
 summi Pontifices, vos omnia esse vultis. Permitti-  
 te obsecro disciplinam Ecclesiasticam valere atque  
 vigere, & cognoscetis, quia isti sunt populus, cui be-  
 nedixit Dominus ; sed vos , neque morbos, neque  
 morborum remedia ferre potestis.

Atqui inquiunt isti tui sacerdotes in fide errant,  
 falsam doctrinam adferunt, populos seducunt. Vi-  
 deamus igitur, vtrum vos de sacerdotum fide, & do-  
 ctrina, an sacerdotes de vestra, iudicare, & statuere  
 conueniat. Ad ipsiusque Dei in hac re incorruptā  
 sententiam & iudicium appellemus. Quid igitur di-  
 cit Dominus, audiamus. *Si difficile et ambiguum a-  
 pud te iudicium esse prospexeris, inter sanguinem & Deuter. 17.  
 sanguinem*

## COMPOSITIO.

sanguinem, causam & causam lepram et non lepram,  
 & iudicium inter portas tuas videris verba variari:  
 Surge, & ascende ad locum, quem elegerit Dominus  
 Deus tuus. Veniesque ad sacerdotes Leuitici generis,  
 & ad iudicem, qui fuerit illo tempore; quarequesque ab  
 eis, qui indicabunt tibi iudicij veritatem. Et facies  
 quodcumque dixerint, qui presenti loco, quem elege-  
 rit dominus, & docuerint te iuxta legem eius, sequen-  
 tisque sententiam eorum, nec declinabis ad dexteram,  
 neque ad sinistram. Et in noua lege: Super Cathe-  
 dram Moysi, sed erunt scribæ & pharisei: quæcumq;  
 dixerint vobis, facite; secundum autem opera eorum  
 nolite facere. Et: Sic nos existimet homo, ut mini-  
 stros Dei, & dispensatores ministeriorum eius.

Leuitas dices aliam sortem in populo Dei non ha-  
 buisse, præter decimas: nos aut multos agros, pluri-  
 ma rura, maximas possessiones habere. Habemus  
 quidem: sed qua ratione, & quo in loco, & quorum  
 causa, & in quales usus comparatas, disce non ex  
 me; sed ex beatissimo martyre atque Pontifice Ur-  
 bano Primo, qui ante mille & quadringentos vixit  
 annos: qui hanc rem totam, hunc in modum ex-

*Ex lib. Decr. plicat. Scimus vos non ignorare, quia hacenus vita  
 Vrba Pap. pr. communis inter bonos Christianos viguit, & adhuc  
 gratia Dei viget: et maximè inter eos, qui in sortem  
 Dñi sunt electi, i.e. clericos, sicut in actibus legitur  
 auctoritate Aposto-*

Apostolorum: Multitudinis autem credentium, erat cor Acto. 4.  
vnum, & anima una: nec quisquam eorum quæ pos-  
sidebat, aliquid suum esse dicebat; sed erant illis om-  
nia communia. Et virtute magna reddebat Apostoli  
testimonium resurrectionis Iesu Christi. Et gni-  
tia magna erat in omnibus illis. Neque enim quisquam  
egens erat inter illos. Quotquot enim possessores agro-  
rum, aut domorum erant; vendentes afferebant pre-  
zia eorum quæ vendebant, & ponebant ante pedes  
Apostolorum. Diuidebatur autem singulis, prout cui-  
que opus erat. Ioseph autem, qui cognominatus est Bar-  
nabas ab Apostolis, quod est interpretatum, filius con-  
solationis, Leuites et Cyprius genere, cum haberet a-  
grum, vendidit illum, & attulit pretium ante pedes  
Apostolorum. Et reliqua. Videntes ergo sacerdotes  
summi & alij, atque leuitæ, & reliqui fideles, plus v-  
tilitatis posse afferre, si hereditates et agros quos v-  
debant, Ecclesijs, quibus presidebant Episcopi, tra-  
derent, eò quod ex sumptibus eorum, tam presentibus  
quam futuris temporibus, plurima et elegantiora pos-  
sent ministrare fidelibus communem fidem ducētibus,  
quam ex pretio eorum: cæperunt prædia & agros,  
quos vendere solebant, matricibus Ecclesijs tradere,  
& ex sumptibus eorum vivere. Ipse vero res indi-  
tione singularum parochiarum, Episcoporum, qui lo-  
cum tenent Apostolorum, erant, & sunt usque adhuc,

L

&amp; futuris

## COMPOSITIO.

Et futuris semper debent esse temporibus. Et quibus Episcopi, Et fideles dispensatores eorum, omnibus communem vitam degere voluntibus, ministrare cuncta necessaria debent, prout melius potuerint, ut nemo in eis egens inueniatur. Ipsae enim res fidelium oblationes appellantur, quia Domino offeruntur. Non ergo debent in alijs usibus, quam Ecclesiasticis Et praedictorum Christianorum fratrum vel indigentium converti: quia vota sunt fidelium, Et pretia peccatorum, ac patrimonia pauperum, atque ad praedictum opus paulo inferi- exsplendum Domino traditae. Hac fratres valde cauis.

uenda sunt Et timenda: quia res Ecclesiae, non quasi propriæ, sed ut communes, et Domino oblatæ, cum summo timore non in alios, quam in praefatos usus sunt fideleriter dispensandæ: ne sacrilegij reatum incurvant, qui eas inde abstrahunt, ubi traditæ sunt: ne pænam Et mortem Ananiae Et Saphiræ incurvant, Et (quod peius est) anathema maninatha fiant: Et si non corpore, ut Ananias Et Saphira, mortui ceciderint, anima tamen, quæ potior est corpore, mortua Et alienata à consortio fidelium cadat, Et in profundum banithri labatur. Unde attendendum est omnibus, Et fideleriter custodiendum, ut illius usurpationis contumelia depellenda, ne prædia usibus secretorum cœlestium dedicata, à quibusdam irruentibus vexentur. Quod si quis fecerit, post debitæ ultionis acrimoniam,

moniam, quæ erga sacrilegos iure promenda est, perpetua damnetur infamia, et carceri tradatur, aut exilio perpetuae deportationis vntur. Quoniam iuxta Apostolum tradere oportet huiusmodi hominem satanæ; ut spiritus saluus sit in die Domini. Memoratis ergo augmentationibus ac cultibus, instantum Ecclesiæ, quibus Episcopi præsident, Domino adminiculante, creuerunt: Et tantis maxima pars earum abundant rebus; ut nullus sit in eis, communem eligens vitam, indigens: sed omnia necessaria ab Episcopo suisq; ministris percipiat. Ideo si aliquis exstiterit modernis aut futuris temporibus, qui haec auellere nitatur, iam dicta damnatione feriatur. Hactenus beatus martyr. Quanquam enim Leuitæ & sacerdotes nō habuerunt in populo aliam partem, præter primicias, & decimas; templum tamen, atque pauperes, alia sua habuisse bona, ex sacris scripturis, tam veteris quam noui testamenti clarum est: quæ tam omnia, in noua lege munificentiora futura, superius ex prophetis demonstrauimus.

Eleemosyna dicunt isti haec est, opus misericordiæ & non debiti, ad quod nemo obligatur, nisi quando vult, cui vult, & quantum vult. Hic verò est error maximus. Neque enim Decima Eleemosyna est, nec misericordiæ; sed iustitiæ, debitique opus: & eius debiti, quod primum, & maximum est

L ij omnium,

1. Cor: 5.

## COMPOSITIO.

omnium, Aristotelis etiam & Platonis testimoniorum  
illius nimirum, quod Deo ipsi debetur. Nisi forte  
debitum non est, Deum creatorem, & datorem re-  
rum omnium recognoscere, prouidentiam & gu-  
bernationem eius laudare : Iesum Christum, sum-  
mum Regem, & iudicem vniuersorum confiteri:  
sortem & partem eius restituere. Nam qui opus mi-  
sericordie prætermittit, hic peccat quidem ad mor-  
tem ; ad restitutionem tamen eius rei, quam abstu-  
lit, non tenetur. At qui opus iustitiæ & debitū non  
facit, non tantum lethaliter peccat ; sed etiam ita  
peccat ; vt non prius delictū eius auferatur, quam  
illud ipsum, quod ex iustitia & officio debet, resti-  
tuat : vt si mendico petenti in eius summa necessi-  
tate munus non conferas, peccasti tu quidem ; sed  
ad eius restitutionem non teneris. At si per furtum,  
aut peculatum, aut sacrilegium aliquid abstulisti,  
ita peccasti ; vt nisi restituas, quod apud te retines,  
à peccato liber esse nullo modo possis : nisi forte  
ille, qui vestem sacram, aut vas abstulerit, sacrile-  
gus esse putabitur. Hic qui cibum ipsum, & mensā,  
vitam denique sacerdotum, agros item aufert, sa-  
crilegus non erit ! insanę mentis hoc est iudicium.  
Qua de re, quid statuat Magnus Augustinus, audi-

*August. Ser. amus. Decimæ enim ex debito requiruntur : E qui  
29. Tim: 10. eas dare noluerit, res alienas inuasit : et quanti pau-  
peres*

## COMPOSITIO.

78.

peres in locis, vbi ipse habitat, illo decimas non dante,  
fame mortui fuerint; tantorum homicidiorum reus,  
ante Tribunal eterni iudicis apparebit: quia à domi-  
no pauperibus delegatum, suis vīsibus reseruauit. Qui  
ergo sibi aut præmium comparare, aut peccatorum de-  
siderat indulgentiam promerer; reddat decimam, &  
de nouem partibus, studeat eleemosynam dare paupe-  
ribus: ita tamen, ut quidquid, excepto victu mediocri,  
& vestitu rationabili, superfuerit, non luxuriæ reser-  
uetur; sed in thesauro cœlesti per eleemosynam pau-  
perum reponatur. Quidquid enim nobis Deus plus,  
quam opus est dederit; non nobis specialiter dedit; sed  
per nos alijs erogandum transmisit: quod si non dede-  
rimus, res alienas inuasimus.

Nolo, inquis, alium in bonis meis, præter me,  
& hæredem meum Dominum habere. Nèque igi-  
tur Deum, atque Christum eius, quite, & hæredem  
tuum custodiat, tibiq. benedicat, in bonis tuis hæ-  
reditare vis? Quid si ille item, & te, & hæredem tu-  
um, ex bonis suis, atque adeò æterna illa & cœlesti  
patria exhæreditabit, vt sit habitatio tua deserta?  
Fiant filii tui orphani, & vxor tua vidua. Nutantes  
transferantur filii tui, & mendicent, & ejciantur de  
habitationibus suis. Scrutetur foenerator omnem  
substantiam tuam, & diripiant alieni labores tuos.  
Non sit illis adiutor; ne sit, qui miscreatur pupillis

L iij tuis,

tuis, quod in dies fieri videmus. Nolo, inquit, decimę partis bonorum meorum alium præter me dominū habere: nolo cum vicino in uno eodemq. agro esse. Ne Deum igitur, aut Christum eius, proximum & vicinum tibi habere vis. Quid, si idem Deus te nouem suarum partium Dominum esse nollet, atque ad decimam illam solam partem, quam tu illi negas, reuocabis? Quid dices? aut quo iure cum illo contendes? docet hoc ita fieri D. Augustinus.

*August: Ser:*

219.

*Audi, inquit, indeuota mortalitas. Nosti, quia Dei sunt cuncta quae percipis, & de suo non accommodas rerū omnium conditori? Non cget Dominus Deus, non præmium postulat, sed honorem; non de tuo aliquid exigit quod refundas. Primitias rerum & decimas dignatur petere, & negas auare. Quid faceres, si nouem partibus sibi sumptis, tibi decimam reliquisset? Quod certè iam factum est, cùm mesis tua pluviariū benedictione subtracta iejuna defecit, & vindemiam tuam aut grando percussit, aut pruina decoxit. Quid audiē suppitas? Nouem tibi partes retractae sunt, quia decimam dare noluisti. Constat quidem, quod ipse non dederis, sed tamen Deus exigit. Hæc enim est Domini iustissima consuetudo; ut si tu illi decimam non dederis, tu ad decimam reuoceris: scriptum est enim: Hæc dicit Dominus. Quia decima agri tui primiæ terræ vobiscum sunt. Vidi autem, & fallere me exi-*

me existimasti? Intus in thesauris vestris, & in domi-  
bus vestris erit direptio. Dabis impio militi, quod non  
vis dare sacerdoti. Conuertimini quoque ad me, dicit  
dominus omnipotens, ut aperiam vobis cataractas cœ-  
li, & effundam vobis benedictionem meam desuper,  
& non corrumpam fructus terræ vestræ, neque lan-  
guebit vitis in agro vestro, & beatos vos dicent om-  
nes gentes. Benefacere Deus semper paratus est, sed  
hominum malicia prohibetur: quia à domino Deo si-  
bi vult dari omnia, & non vult ei, quæ possidere vide-  
tur offerre. Quid si diceret Deus: Meus est homo,  
quem feci: mea est terra, quam colis: mea sunt &  
semina, quæ spargis: mea animalia, quæ fatigas: mei  
sunt imbre & pluiae, et ventorum flamina mea sunt:  
meus est solis calor: & cùm omnia mea sint elementa  
vivendi; tu qui manus accommodas, solam decimam  
merebaris. Sed quia pè nos pascit omnipotens Deus,  
amplissimam tribuit minùs laboranti mercedem: sibi  
tantum decimam vendicans, nobis omnia condona-  
uit. Inguae fraudator ac perfide, diuina te voce con-  
uenio. Ecce annus iam finitus est, redde domino plu-  
enti mercedem. Redime te homo, dum viuis: redime  
te ipse, dum potes: redime, inquam, te, dum pretium in  
manibus habes: redime te, ne, dum te mors auari præ-  
uenerit, & vitam simul, & pretium perdas. Sine cau-  
sa hoc dimittis uxori, quæ forsitan alterum habebit  
maritum.

81.  
COMPOSITIO.

maritum. Sine causa hoc maritodimittit mulier, quia aliam sine moni cupit habere vxorem. Frustra parentibus ac propinquis cunum tuam iniungis, nemote post mortem tuam fideliter redimet, quia in vita tu te redimere noluisti. Depone iam auaritiae sarcinam de ceruicibus tuis: contemne crudelissimam dominam; quæ dum te iugo durissimo premat, iugum Christi suscipere non permittit. Sicut enim iugum auaritiae in infernum premere; ita iugum Christi in cœlum leuare consuevit. Et hæc quidem Augustinus. Sed longè clariùs hoc idem res ipsa probat. Quis enim nō videt vos vix ad decimam partem eorum fructuū, quos maiores vestri munificentissimè à Deo percipiebant, reuocatos esse? Itaque ipsa decima parte vos contentos esse oportet. An nescitis, quod Deo dicatum quid apud se retinere, domique suę conseruare, anathema est, quod & te, & omnem possessionem tuam exurat? Quid autem & quale sit hoc anathema, discite ex scriptura. Filij autem Israël præuaricati sunt mandatum, & usurpauerunt de anathemate. Nam Achab, filius Charmi, filij Zabdi, filij Zare de tribu Iuda, tulit aliquid de anathemate: inatus ī, est dominus contra filios Israël. Cum ī, mitteret Iosue de Iericho viros contra Haj, que est iuxta Bethauen, ad orientalem plagam oppidi Bethel dixit eis: Ascendite, & explorate terram. Qui præcepto

Iosue 7.

cepta compleentes explonauerunt Haj. Et reuersi di-  
xerunt ei : Non ascendat omnis populus, sed duo vel  
tria millia virorum pergant, & deleant ciuitatem :  
quare omnis populus frusta vexabitur contra hostes  
paucissimos ? Ascenderunt ergo tria millia pugnato-  
rum. Qui statim terga vertentes, percussi sunt à vi-  
ris urbis Haj, & corruerunt ex eis triginta & sex  
homines ; persecutiq; sunt eos aduersarij de porta vsq;  
ad Sabarim, & ceciderunt per prona fugientes : per-  
timuitq; cor populi, et ad instar aquæ liquefactum est.  
Iosue vero scidit vestimenta sua, & pronus cecidit  
in terram coram arca Domini usque ad vespeream,  
tam ipse, quam omnes senes Israél miseruntq; pulue-  
rem super capita sua, & dixit Iosue : Heu Domine  
Deus, quid voluisti traducere populum istum Iorda-  
nem fluum, ut traderes nos in manus Amorrhæi,  
& perderes ? utinam vt cæpimus mansæcum trans  
Iordanem. Mi Domine Deus, quid dicam, videns  
Israélem hostibus suis terga vertente ? Audient Cha-  
nanæi, & omnes habitatores terræ, & pariter con-  
globati circundabunt nos, atque delebunt nomen no-  
strum de terra : & quid facies magno nomini tuo ?  
Dixitq; Dominus ad Iosue : Surge, cur iaces pronus  
in terra ? Peccauit Israél, & prævaricatus est pa-  
titum meū : tuleruntq; de anathemate, & furati sunt,  
atq; mentiti, & absconderunt inter vasaa sua. Nec

## COMPOSITIO.

poterit Isrāēl stare ante hostes suos, eosq; fugiet: quia pollutus est anathemate, non ero ultra vobis cum, donec contenitis eum, qui huius sceleris reus est. Surge sanctifica populum, & dic eis: Sanctificamini in castinum; hæc enim dicit Dominus Deus Isrāēl, anathema in medio tui est Isrāēl: non poteris stare conam hostibus tuis, donec delectatur ex te, qui hoc contaminatus scelere. Accedetisque mane singuli per tribus vestras: et quamcumq; tribum sors inuenierit, acceder per cognationes suas, & cognatio per domos, domusq; per viros. Et quicunq; ille in hoc facinore fuerit deprehensus, comburetur igni cum omni substantia sua: quoniam prevaricatus est pactum Domini, & fecit nefas in Isrāēl. Surgens itaque Iosue mane, applicuit Isrāēl per tribus suas, & inuenta est tribus Iuda. Quæ cùm iuxta familias suas esset oblata, inuenta est familia Zare. Illam quoq; per domos offerens, reperit Zabdi, cuius domum in singulos diuidens viros, inuenit Achān filium Charmi, filij Zabdi, filij Zare, de tribu Iuda. Et ait Iosue ad Achān: Fili mi, da gloriam Domino Deo Isrāēl, & confitere, atq; indica mihi, quid feceris, ne abscondas. Responditq; Achān Iosue, et dixit ei: Verè ego peccavi domino Deo Isrāēl, & sic & sic feci: vidi enim inter spolia pallium coccineum valde bonum, & ducentos sicos argenti, regulamq; auream quinquaginta sicolorum; et concupiscens

piscens abstuli, & abscondi in terra contra medium tabernaculi mei, argentumque fossa humo operui. Misit ergo Iosue ministros: qui currentes ad tabernaculum illius, repererunt cuncta abscondita in eodem loco, & argentum simul. Auferentesque de tentorio, tulerunt ea ad Iosue, & ad omnes filios Israël, proieceruntque ante Dominum. Tollens itaque Iosue Achan filium Zare, argentumque & pallium, & auream regulam, filios quoque & filias eius, boues, & asinos, & oves, ipsumque tabernaculum, & cunctam suppellestilem (Et omnis Israël cum eo) duxerunt eos ad vallem Achor, ubi dixit Iosue: Quia turbasti nos, exturbet te Dominus in die hac. Lapidauitque eum omnis Israël: et cuncta quae illius erant, igne consumpta sunt. Congregaueruntque super cum aceruum magnum lapidum, qui permanet usque in presentem diem. Et auersus est furor Domini ab eis. Vocatumque est nomen loci illius Vallis Achor, usque hodie. An nescitis Ecclesiastica bona, vel aquilarum, vel luporum, pennis aut pellibus simillima esse? quae permista alijs pennis aut pellibus se primū, deinde omnes alias pennas atque pelles, cum quibus miscentur, consumere solent. Sic Dei possessio permista humanę possessio- ni, utraque simul consumit; quod ita euenire in dies videmus, vel ex horum ipsorum Pontificum atque sacerdotum maioribus quam infirmis & insta-

## COMPOSITIO.

biles sint hæc ex bonis Ecclesiasticis comparatæ facultates discimus: ita ut nunquam ex illis tertium gaudere hæredem cernamus. Abusus enim & profanatio, ac irreuerentia rerum, semel Deo dedicatarum, semper mortalibus exitiosa fuit. Vbi Arca Domini ad Philisteos fuit perlata, quæ & qualia mala secum attulerat, quas clades & turbas dede-  
rat, tradit scriptura.

*Aggrauata est autem manus Domini super Azotios, & demolitus est eos: & percussit in secretiori parte natum Azotum, et fines eius. Et ebullierunt villa & agri, in medio regionis illius, & nati sunt mures, & facta est confusio mortuus magna in ciuitate.*

*Et iterum. Percussit autem Dominus de viris Bethsamitis, eo, quod vidissent arcam domini: et percussit de populo septuaginta viros, et quinquaginta milia plebis. Luxurij populus eo, quod Dominus percussisset plebem plaga magna. Et dixerunt viri Bethsamitæ: Quis poterit stare in conspectu domini Dei sancti huius? & ad quem ascendet a nobis? Miseruntq; nuncios ad habitatores Cariathiarim dicentes: Reduxerunt Philistij arcam Domini, descendite, & reducite eam ad vos. Profanatio sacrorum vasorum, quam exitiosa fuerit Balthasari Regi, testis est eadem scriptura. Balthazar rex fecit grande, inquit, coniuivum optimatibus suis mille: & unusquisq; secundum suam bibebat ætatem. Praecepit ergo*

Danielis 5.

cepit ergo iam temulentus, ut afferentur vasa aurea  
& argentea, quæ aportauerunt Nabuchodonosor pa-  
ter eius de templo, quod fuit in Hierusalem: ut bi-  
berent in eis rex & optimates eius, uxoresq; eius, &  
concubinæ. Tunc allata sunt vasa aurea, quæ aspor-  
tauerat de templo, quod fuerat in Hierusalem: & bi-  
berunt in eis rex, & optimates eius, uxores, & con-  
cubinæ illius. Bibeant vinum, & laudabant deos  
suos aureos et argenteos, æreos, ferreos, ligneosq; &  
lapideos. In eadem horæ apparuerunt digiti, quasi ma-  
nus hominis scribentis, contra candelabrum in super-  
ficie parietis aulæ regiae: & rex aspiciebat articulos  
manus scribentis. Tunc facies regis commutata est, et  
cogitationes eius conturbabant eum: & compages re-  
num eius soluebantur, et genua eius ad se inuicem col-  
lidebantur. Et eadem nocte imperfectus est Baltha-  
zar rex Chaldeus, & Darius Medus successit in re-  
gnum, annos natu sexaginta duos. Est enim & di-  
citur Deus, zelotes, id est, qui in societatem rerum  
suarum non facilè admittit quenquā: vnde de vn-  
guento & Thymiamate, quod templi sui causa cō-  
fici voluerat, illam fert legem: *Caro hominis nō vn-* Exodi 30.  
*getur ex eo, & iuxta compositionem eius non facietis*  
*aliud, quia sanctificatum est, & sanctum erit vobis.*  
*Homo quicunque tale composuerit, & dederit ex eo*  
*alieno, exterminabitur de populo suo. Non erat hoc*

## COMPOSITIO.

obscurum etiam infidelium gentium regibus. Itaque Alexander Macedo , ne aspicere quidem templum , resque templi Dei voluit. Arthaxerxes autem sumo cum honore vasa templi, quae maiores sui inde asportarant, remitti curauit: qua de re scribit ad Esdram Sacerdotem, cui hoc totum commis-

*3. Esdræ c. 8.* serat negocium, in hunc modum. *Omnia, inquam,* secundum legem Dei fiant Deo altissimo, ne forte ex surgat ira in regno regis, & filij, & filiorum eius: offerantur libationes summo Deo pro rege & pueris eius: oretur pro vita ipsorum. Idem igitur & nos faciamus, excutiamus domos nostras, excutiamus arcas nostras, horrea nostra, & videamus, num anathema in eis non sit: num hic ignis omnia consumens ac vsq. ad perditionem deuorans & eradicans genimina, alicubi non lateat: num aliquid per rapinam, aut sacrilegium, aut simoniam quæsitum nō sit. Si enim ille non sperat se veniam consequi posse, etiam si salutem ipsam domi suæ habeat, qui dicit: Si quem defraudaui, reddo quadruplū, nisi sua iustis dominis restituat; quanto minus, si DEum ipsum, templumque eius defraudasset? in quod, ut vel vnum teruncium cum vidua illa paupere inferre, magna laudis est; ita inde vel vnum denarium auferre, res plena periculi & impietatis!

*Lucæ 19.*

Tuam inquis causam, dum hæc defendis, agis. Non meam verò: nam me quidem Deus immortalis, &

hic rex

Hic rex meus, dare potius, quam accipere decimas fecit. Ergo istorum Pontificum, principumq. Sacerdotum? ne istorum quidem tantopere: nam & ipsi Dei gratia habent vnde viuant, & vnde vos ipsos beent, vt satiati pane illorum conuertamini in eos. Quorum igitur? illorum, inquam, Sacerdotum ac Presbyterorum, qui peccata vestra quotidie comedunt: qui aliam partem, vt inquit Dominus, inter vos non habent: qui in sudore vultus sui querunt panem suum: quibus sua no reddere hominem occidere est. Sed quæ tandem causa est, cur primitias, aut decimas frugum Deus potissimum sibi offerri voluit, easque peculiariter exigit? an quod ille non nisi ex benè quæsitis, laboreque partis honorari vult, in partem enim meretricij questus, inquit scriptura, sanctus non venit: porrò sola agricolatio, atque pecuaria, non modo in sacris Scripturis, sed etiam in ethnicorum monumentis, tanquam iustissima querendi ratio commendari atque laudari solet.

**R**EDDITE I GITVR QVÆ SVNT  
CÆSARIS CÆSARI, ET QVÆ  
DEI DEO. Et pax, atq; Compositio co-  
hæredit: nec Aloidæ duri, qui cum dijs  
aliquando pugnasse dicuntur, esse velites: neue sitis  
imaniiores cunctis gentibus, barbarissimis etiam, quæ  
semper

*Semper & ubique dijs suis falsis, etiam partem suam reddiderunt. Quin in hoc potius Dei gratiam recognoscatis, illiq; immortales gratias agatis; quod vos dare potius, quam ab alijs petere dignatus est; quod locupletas & fixas sedes habentes potius, quam vagos & mendicos; liberos & gaudentes, quam seruos & marentes; sanos ac alijs mutuantes, quam agros & obervatos, benigna sua misericordia esse voluerit: in hocq; benignam eius beneficentiam agnoscatis. Cogita, quanti te redimere iustum eset; ne illam tristissimam simul & iustissimam sententiam iudicis audiatis:*

*Matth: 25. Discede a me serue nequam, & ignae. Et illa: Auferte ab illo talentum. Et illam: Vinctis pedibus eius, & manibus. Et illam: Discedite a me omnes, qui operamini iniquitatem: non noui vos.*

*Quanta item pecunia illud comparet libenter quis, ut illam vocem audiat: Venite benedicti patris mei. Et illam: Serue bone & fidelis, super pauca fuisti fidelis, supra multa te constituam, intra in gaudium Domini tui: Recumbe cum Abraam, Isaac, & Jacob in regno coelorum? Neque tantum ea, quae Dei sunt, Deo eiusq; ministris reddatis; sed laeti etiam & alacres, perfecto corde & animo, cum illa pulcherrima professione reddatis: Profiteor hodie coram Domino Deo tuo, quod ingressus sum in terram, pro qua iurauit patribus nostris, ut daret e-*

*Matth: 25. amno*

*Matth: 8. Recumbe cum Abraam, Isaac, & Jacob in regno coelorum? Neque tantum ea, quae Dei sunt, Deo eiusq; ministris reddatis; sed laeti etiam & alacres, perfecto corde & animo, cum illa pulcherrima professione reddatis: Profiteor hodie coram Domino Deo tuo, quod ingressus sum in terram, pro qua iurauit patribus nostris, ut daret e-*

*Deuter: 26. amno*

eam nobis. Suscipiensq. sacerdos cartallum de manu eius, ponet ante altare domini Dei tui: & loquens in conspectu Domini Dei tui. Syrus persequebatur patrem meum, qui descendit in Aegyptum, & ibi peregrinatus est in paucissimo numero: creuitq. in gentem magnam, ac robustam, & infinitæ multitudinis. Afflixeruntque nos Aegyptij, & persecuti sunt, imponentes onera grauissima: & clamauimus ad dominum Deum Patrum nostrorum, qui exaudiuit nos, & respexit humilitatem nostrā, & laborem, atque angustiam: & eduxit nos de Aegypto in manu fortis, & brachio extento, ingenti pauore, in signis atque portentis: & introduxit ad locum istum, & tradidit nobis terram, lacte & melle manantem. Et idcirco nunc offero primitias frumentorum terre, quam Dominus dedit mihi. Et dimittes eas in conspectu Domini Dei tui, & adorato Domino Deo tuo, epulaberis in omnibus bonis, quæ Dominus Deus tuus dederit tibi, & domui tue, tu, & Leuites, & aduena, qui tecum est. Quod eo pleniore ac perfectiore animo, & professione facere debetis, quanto maiori vos, quam illi, à Deo vestro acceptis beneficia: ut qui nō de manu Pharonis, sed de manu diaboli; non ex Aegyptiaca captiuitate, sed ex mortis, et damnationis seruitute liberati, in æternū hæreditatis sortem, ac in regni cœlestis partem, vt hæredes

ꝝ

quidem

C O M P O S I T I O .

quidem Dei, cohæredes autem Christi sitis, vocati e-  
stis. Nam et si nos quidem ministri templi, digna fa-  
ctis nostris, dum à vobis diuexamur, patimur, qui his  
bonis sc̄e p̄ius profusè ac insolenter abusi simus, atque  
etiam nunc abutimur; qui ea in prophanos v̄sus plerū-  
que conuertimus; qui denique in luxum et libidinem,  
in vosq; ipsos, in præiudicium pauperum & orphano-  
rum, cultusq; diuini, conferimus. Hic autem I E-  
sus Christus, qui ante oculos vestros in cruce hac pen-  
det, quid fecit? quid commeruit? qui vos his mani-  
bus pro vobis transfixis creauit: qui sanguine suo pre-  
ciosissimo redemit: qui in gentem magnam crescere  
fecit: qui per tot periculisq; tempora, & interre-  
gna custodiuīt: qui Regem nobilissimum, et cui in di-  
ebus suis non est similis, vobis præesse voluit: qui tot  
victorias, arces, portus, integras prouincias uno tem-  
pure adiecit: qui pacem optatissimam, ac ex omnibus,  
quaे in orbe Christiano hoc tali tempore exstiterunt,  
pulcherrimā vobis donauit: q; vos in brachijs istis suis  
portat; et utinā æternū portet, iste inquam, quid pre-  
mieruit, aut quid malificavit, vt eum parte sua, hæreditate  
sua, sorte sua, inter vos priuatū esse velitis? Aut hæc  
ipsa sponsa eius, quaे ex hoc ipso latere eius profluxit;  
quaे vos regno cœlesti, vitæ quoे æternæ, in lauacro  
fontis regenerauit; quaе in fide Christiana instruxit,  
in qua, quam diu manetis, Christiani estis; quaे fin-  
gutis

## COMPOSITIO.

92.

gulis annis, cibo & potu Corporis & sanguinis IEsū Christi, sponsi sui, volentes reficiunt; quæ sacramentum condit, orationibus Deo commendat, doctrina fouet, mortuos denique intra sinus & brachia sua suscipit, ac plane humerus suis in cætum sanctorum deportat: ut ei dotem suam erectam esse velitis? Et fuit quidem in veteri more apud omnes ferè gentes positum, ut parta victoria, profligatis hostibus, post pacem reddidam, Iphelia in templo deorum immortalium inferrent: aras, et templo, præda exornarent: trophya dijs suis erigerent. Quod & illa nobilissima pectora, Deo vero fecisse leguntur, de quibus scriptum est: Cumque Numeri 31 accessissent principes exercitus ad Moysen, & tribuni, centurionesque, dixerunt: Nos serui tui recensuimus numerum pugnatorū, quos habuimus sub manu nostra: & ne unus quidem defuit. Ob hanc causam offerimus in donarijs Domini singuli quod in præda auri potuimus inuenire, periscelides, & armillas, annulos, & dextralia ac murænulas, ut depreceris pro nobis Dominum. Suscep- runtq. Moyses, & Eleazar sacerdos, omne aurum in diuersis speciebus; pondo sedecim millia, septingentos quinquaginta siclos, à tribunis & centurionibus. Unusquisq. enim, quod in præda rapuerat, suum erat. Et susceptum intulerunt in tabernaculum testimonij, in monumentum filiorum Isræl, co-

N iij

ram Do-

## COMPOSITIO.

ram Domino. Vos soli adeò inhumani, adeò ab omni sensu numinis diuini alieni eritis; ut post tot bella, post tot victorias, post tantas res gestas, post tot Dei immortalis beneficia, pro eo, quod aliquid in templum Dei & Christi sui inferre debebatis, altaria eius spoliabitis? templo & fano ad vastitatem reuocabitis? sacerdotes eius, fame & inopia extingui patiemini? quæ aliorum pietate & munificentia sunt donata, ipsi cupide auferetis? haecce est pietas? hicce gratus animus? hoccine euangelium docet? Verum haec hactenus. Nunc finem dicendi audiamus omnes.

Sic eam Compositionem fratres, et patres, charissimi vtrinque aggredimini, non tanquam Domini, & heredes earum rerum, de quibus inter vos compone-re debetis; sed tanquam ministri atque dispensatores sitis: non tanquam de re vestra, aut possessione vestri componatis; sed tanquam de sorte & parte Dei viuentis; de hereditate Christi Domini; de dote Ecclesiae sanctæ, matris vestræ; de cultus diuini ac christianæ religionis instrumentis ac subsidijs; de victu pauperum; de ultimis item voluntatis ac pietate maiorum vestrorum constituere debeatis: & tanquam eius ipsius Compositionis exactam aliquando nationem ante tribunal Iudicis viuorum & mortuorum Christi, totiusq; posteritatis, reddituri sitis. Quomodo apud posteros quidem vestros pro infamia eternum decus & gnat-

Et gratiarum actionem, apud autem Deum pro damnatione præmium sempiternum referre mereamini; Et prout ipsi vultis, ut item ille ipse summus Et nouissimus procurator, rerum omnium Deus, de vestra item hæreditate, hæredibusq; vestris post mortem vestram statuat: Et videte ne transferatis terminos æternos, quos constituerint patres vestri, omnemq; innovationem suspectam habete. Neue eas decimas partemq; hæreditatis Christi, quam nunc Deo vestro, Christo vestro, pendere recusatis, illi post reddere cogamini, cui minimè velitis: neque ex aliqua frumentorum vestrorum parte tantum; sed ex ipsis filiis Et filiabus vestris, ut seruiant in mendicitate Et ferro, ut pertranscat ferrum animam eorum, ut robur Et præsidium contra parentes patriamq; suā potentis ty-nnni sint. Quod quidem iam multa Christiana regna, multas prouincias, ob eandem impietatem experiri, gemit populus Christianus; ut seruiatis Regi Nabuchodonosor, et sciatis distantiam scrututis Dei Isaie 13.

Et scrututis regis terrarum: diligit enim Dominus Iudicium, Et odio habet rapinam in holocausto.

Quod ne oculi nostri videant unquam,  
Deum immortalem, Christumq;  
eius, supplex deprecor.


Laus CHRISTO Domino..

GRATIARVM ACTIONES IN  
PRIMITIVA ECCLESIA HABERIS O-  
lite, pro comportatis primitijs atque deci-  
mis, ex lib: 8. Constit: Aposto: cap: 40.

**G**ratias agimus tibi Domine omnipotens, om-  
nium effector et gubernator, per unigenitum fi-  
lium tuum, Christum Dominum nostrum, pro ob-  
latis tibi primitijs, non quantas debemus, sed quantas pos-  
sumus. Quis enim hominum potest meritas gratias a-  
gere pro ijs, quæ ipsis ad participandum dedisti, De-  
us Abraam, Isaac, et Iacob, et omnium sanctorum  
qui cuncta uerbo tuo, ad maturitatem perduxisti, et  
omnis generis fructus, ad latitudinem et alimento no-  
strum, terræ iussisti esse fundere: qui dedisti mollio-  
ribus, et lassantibus succum lactis, herbiuoris her-  
bam, alijs carnem, alijs semina, nobis uero frumentum  
ad alendum idoneum et accommodatum praebuisti: ac  
multa alia, partim ad usum, partim ad sanitatem, par-  
tim ad obse-

tim ad obsecrationem. Prater hæc igitur omnia, su= peras omnes laudes, propter beneficium à te in nos col= latum, per Christum, per quem tibi gloria, honor, T ueneratio, et Sancto Spiritui, in secula, Amen.

Oretur pro authore.





L'anno

512

